



四庫全書考證

二三





四庫全書考

卷四

謝文選

四庫全書考證卷五十五

子部

紺珠集

類說

事實類苑

仕學規範

自警編

言行龜鑑

紺珠集 宋朱勝非撰

卷一

黃竹詩。王遊黃金之丘。獵于葦澤。案室卽臺字。別本穆天子傳訛室爲室。又於室字上空格注闕。殊誤。

秦王七馬條。飛翮銅爵。刊本翮訛融。據古今注改。

連錢荇條。靈池有連錢荇。刊本靈字訛作太一二字。據洞冥記改。

泣珠條。吠勒國嘗有鮫人宿其舍。刊本吠勒訛跋動。據洞冥記改。

飛車條。奇肱之民能爲飛車。刊本奇訛寄。據太平廣記改。

九迴香條。以九迴沉水香膏髮。刊本脫香字。據趙后外傳增。

金步搖條。麗水紫磨金琢步搖。刊本復衍搖字。據楊妃外傳刪。

水精屏條。金谷人也。結綺閣人也。刊本脫閣人也三字。據楊妃外傳增。

飛奴條。張九齡以鴿傳書。刊本書訛曰。據開元天寶遺事改。

綠衣使者條。客集崇義家。刊本崇義訛家集。據開元天寶遺事改。

妖燭條。有人獻燭似蠟非蠟。刊本人獻二字訛戲字。據開元天寶遺事改。

興慶池醉醒草。刊也脫池字。據開元天寶遺事增。

富窟條呼其宅爲王氏富窟。刊本富窟二字訛宅字。據開元天寶遺事改。
傳書燕刊本傳書二字互倒。據開元天寶遺事改。

卷二

五王帳條殿中設五幄。與諸王更起臥。刊本脫臥字。據明皇雜錄增。

戴竿舞條誰謂綺羅翻有力。猶自嫌輕更著人。刊本綺訛新。又嫌訛輕。並據全唐詩改。

力士齋詩全京作斤賣。五溪無人採。刊本五溪無人訛無人五溪。據全唐詩改。

永公後身條房瑄宰盧氏。刊本盧氏訛潼盧。據太平廣記改。

進水調歌起花萼樓。相輝樓與諸王遊處。刊本脫王字。據明皇雜錄增。

五角六張條臣草此賦。若有神助。刊本此賦二字互倒。據太平廣記改。

開元字條上見華山高秀插天。因欲于峰腹鑿開元二字。以白石填之。刊本脫因欲于峰腹鑿開元八字。

據開元傳信記增。

崑崙詩指頭十挺墨。耳朵兩張匙。刊本脫挺字。張字。據太平廣記增。

飛仙之印條與數人博戲。坐石牀。刊本人訛十石訛白。並據神仙傳改。

白石爲糧條白石先生嘗煮白石爲糧。故號。刊本脫先字。嘗字。又脫下白石二字及號字。並據神仙傳增。

蓬萊山在拄杖前條鞞鞋拋在海東邊。刊本海訛山。據全唐詩改。

漱飯成蜂條。殷芸小說。刊本殷沿宋諱作商。據文獻通考改。
青青東門柳條。泌賦詩譏楊國忠。刊本脫譏字。據鄴侯家傳增。
月蝕東壁條。張燕公罷相。刊本脫公字。今增。

卷三

吹龍條。秦甘宗所奏西域事。刊本秦訛漢。據太平廣記改。

魚魯之訛條。寫字以魚爲魯。以帝爲虎。刊本虎訛席。據抱朴子改。

志射條。志目則中目。志口則中口。刊本訛作應口。而中云。志所在則中。據太平廣記改。

鶴樽條。背上注酒則一足倚。滿則正立。不滿則傾側。刊本正立訛不正。又脫不字。並據太平廣記改增。

琵琶條。人言琵琶多於飯甑。刊本脫琵琶二字。據朝野僉載增。

碧落碑條。李陽冰刊本陽冰二字互倒。今改。

上不疑我條。惟渾瑊奏事不盡從。刊本盡從訛過。則據唐書改。

私謁放還條。寧王私謁。刊本謁下衍十人二字。據國史補刪。

文章風尚條。歌行則學流蕩於張籍。刊本脫流蕩二字。據國史補。

蛟龍破笛條。截以爲笛。堅如鐵石。以遺李暮。刊本暮訛牟。據國史補改。

烘堂條。有不可忍雜端。先笑則合笑。刊本先下衍馬。瞿塘不可下。灑灑大如牛。瞿塘不可留。灑灑大如襍。

瞿塘不可觸。二十六字。今刪。

取謝靈運鬚條。謝靈運美鬚。臨刑。施於南海祇洹寺。刊本海字下衍爲字。又祇洹訛紙恒。並據國史纂異刪改。

大書召字條。張景藏詣裴光庭大書一召字。刊本藏訛茂。又光庭訛行儉。並據太平廣記改。

三百縑易清夜遊西園圖。刊本脫夜遊西園四字。據尙書故實增。

卷四

懷博之俗條。世號難治。舅宜好用心。副朝廷所委。刊本好用二字互倒。心下衍腹字。又脫廷字。並據洛陽伽藍記改刪增。

酪奴條。惟茗不中與酪作奴。刊本茗酪二字互倒。據洛陽伽藍記改。

金麥銀粟條。連珠帳。却寒簾。犀篋牙席。獨忿犀。刊本脫連字。又獨忿訛觸分。並據杜陽編增改。

雙鷹芝條。六合葵。刊本脫六字。據杜陽編增改。

虞姬培條。書字繼能記姓名。刊本記訛寄。據全唐詩改。

進士登科條。俊秀一科。猶與進士並列。刊本俊訛後。又脫秀字。並據撫言改增。

比紅兒詩條。虬爲絕句詩。百首。令歌。號比紅兒詩。刊本脫比字。據全唐詩增。

朱灣別崔使君書。翻成機事。刊本事訛心。據撫言改。

十雜詩條。擲注子傷公猶子。刊本訛作酒器擲公傷。由此據摭言改。
服筍條。吳子華爲賦。一夕成於腹筍。刊本一夕下衍夢字。據摭言改。
銀案條。入試出試。千春萬春。刊本脫入試二字。據摭言增。

顏回忍飢面條。亂花織錦柳燃線。粧點池臺畫屏展。刊本脫展字。據摭言增。

上車著作條。上車不落卽著作。體中何如則祕書。刊本體中訛起居。據顏氏家訓改。

八寶記。刊本脫八字。據文獻通考增。

祝融造字條。揮造弧。刊本揮造二字互倒。據博物志改。

地下柱軸條。地下有四柱。三千六百軸。刊本四訛三千。訛十百訛萬。據博物志改。

卷五

詩用僻字條。宋考功詩。馬上逢寒食。春來不見餽。案全唐詩宋之間途中寒食詩云。馬上逢寒食。愁中屬暮春。又沈佺期嶺外寒食詩云。嶺外無寒食。春來不見餽。此書牽合殊誤。

蜀道易條。蜀道易。易於履平地。刊本脫一易字。據嘉話錄增。

三詩用茱萸工拙條。學他年少插茱萸。刊本脫年少二字。據嘉話錄增。

上官儀條。高宗時。天下無事。上官儀獨秉國政。刊本脫秉字。據嘉話錄增。

不暇唱渭城條。心計轉麤。由是不暇唱渭城之曲矣。刊本脫唱字。據嘉話錄增。

好脚跡門生。刊本脫跡字。據因話錄增。

讚招隱字條。音樂亂山鳥聲。此則實不如在叔父大廳也。刊本此則實不如在叔父大廳也十一字。訛作不知城中四字。據因話錄改。

御史三院條。每公堂會食。皆絕談笑。刊本脫談笑二字。據因話錄增。

閣下條。韓退之與張僕射書。刊本脫射字。據因話錄增。

鬱壘條。度朔山尖。桃樹盤屈三千里。刊本桃訛槐。據荆楚歲時記改。

以餅拭刃。刊本拭訛飾。據明皇十七事改。

紅麩枕條。玉清女遺以三寶。一曰碧瑤杯。刊本脫碧字。據宣室志增。

蝦蟇天使條。未幾果拜中書侍郎平章事。刊本中書訛小鳳。又脫侍郎平章事五字。並據宣室志改增。

青州石末。刊本州訛山。據羯鼓錄改。

琵琶條。推手前曰琵琶。刊本手訛於。據樂府雜錄改。

玉卮娘子。刊本脫子字。據下文增。

卷六

鳳女祠條。遂作鳳女祠以事之。刊本脫女字。據列仙傳增。

木鑽穿石條。授之木鑽。使鑽一盤石。刊本脫使鑽二字。據西陽雜俎增。

物鳴不同條。榮原胃鳴。鳳凰雄鳴。案胃鳴。考工記作胸鳴。賈疏云。此記本不同。馬融以爲胃鳴。干寶以爲骨鳴。皆難信。不如作胸鳴也。附識。

牡丹條。當時名士皆有裴給事宅看牡丹詩。刊本脫宅字。據酉陽雜俎增。

構楮條。有瓣曰楮。無瓣曰構。刊本楮構二字互訛。據酉陽雜俎改。

糝熬將軍條。梁韋琳作組表。刊本韋琳訛王休。組訛鮮。據酉陽雜俎改。

鳳條。謂桐枝。刊本脫桐字。據酉陽雜俎增。

桃核扇條。常見市人以桃核扇量米一升。刊本脫扇字。據酉陽雜俎增。

瓊胎宮條。凝神瓊胎宮三千七百年誕生。刊本脫瓊胎宮三字。據酉陽雜俎增。

連字句格條。舊衣灰絮絮。新酒竹籊籊。刊本灰訛新。又脫新酒竹籊籊五字。據北夢瑣言改增。

悔讀南華條。悔讀南華第一篇。刊本脫南字。據北夢瑣言增。

自是吳家文字。刊本吳訛吾。據北夢瑣言改。

見李思戒條。因指御前果實。刊本前下衍食字。據北夢瑣言刪。

卷七

國箸條。刊本箸訛爺。據唐書改。

貳負。刊本訛二賀。據山海經改。

硯凍開條。崔實四民月令。刊本脫民字。據文獻通考增。

高春下春條。日至于虞淵。是謂高春。刊本至訛經。又虞淵訛東虞。並據淮南子改。

子子條。水中倒跂曰子子。刊本倒訛致。據淮南子改。

摩頂松條。玄奘往西域。於靈巖寺見有松。刊本脫於靈巖寺四字。據太平廣記增。

卷八

淫豫條。淫豫大如襍。瞿唐不可觸。刊本襍訛服。據世說新語改。

悲歌條。悲歌可以當泣。遠望可以當歸。刊本當下衍家無累三字。今刪。

木蘭條。問女何所思。問女何所憶。刊本脫問女何所思五字。又西市買鞍韉。南市買轡頭。北市買長鞭。

刊本鞍韉長鞭四字互訛。又但聞黃河水鳴濺濺。刊本脫流字鳴字。又願馳千里足。送兒還故

鄉。刊本脫足送兒三字。並據木蘭詩增改。

白頭吟。淒淒重淒淒。嫁女不須啼。願得一心人。白頭不相離。刊本啼訛歸。一訛同。並據古詩紀改。

別鵲操。刊本鵲訛鶴。據樂府題解改。

狸子肇肆條。肇始也。肆遂也。刊本脫肇字。又肆下衍者字。並據夏小正增刪。

臺敵條。東齊海岱之間。刊本脫岱字。據揚子方言增。

特介條。逢澤有介麋。刊本脫逢字。據揚子方言增。

舟楫諸名條。小艇曰船。刊本脫船字。又呼船頭屋爲飛閣。刊本脫頭屋二字。並據揚子方言增。翠彩生動條。畫孔雀一正一背。翠彩生動。刊本脫畫字。又正訛正。翠字訛作看如二字。並據太平廣記增改。

璇宮夜織條。驅光逐影窮水域。璇宮夜靜當軒織。刊本驅光逐影窮水域。訛作驅逐景窮水火域。據拾遺記改。

指端浮圖條。沐胥國道人尸羅。刊本沐胥訛休須。據拾遺記改。

風扇條。後魏人信都芳。刊本脫信字。據魏書增。

卷九

得猫犬力條。餓猫臨鼠穴。刊本脫餓字。又臨訛投。並據全唐詩增改。

句可呈佛條。貫休嘗得句云。清風江上月。霜灑月中碓。語人曰。此句可以呈佛。刊本脫下月字。據全唐詩增。

又案此詩乃貫休懷僧棲一之作。其第三句云。得句先呈佛。自注云。師得句祇曰堪供養佛。據此則呈佛非貫休自誇之語。此書解注似誤。

笑是鹽條。顛狂楚女歌成雪。刊本脫女字。又雪訛曲。並據全唐詩增改。

梅聖俞論詩條。嚴維云。柳塘春水漫。花塢夕陽遲。則天容物態豈不在目前乎。刊本嚴訛王。又天容訛芙

蓉。並據六一詩話改。

拜德公條。公殊不令止。刊本脫不字。據襄陽耆舊傳增。

輔唐山條。改牢山爲輔唐山。刊本脫輔字。據上文增。

金鏤條。玉燭製袍夜。金刀呵手裁。刊本玉燭製袍夜。訛作燭製錦袍衣。據本事詩改。

與此韓翃條。德宗擇知制誥。批曰。與韓翃。時有同姓名者。遂具奏。刊本脫知字。同字。並據本事詩增。

太瘦生。刊本太訛李。據本事詩改。

張好好條。於洛陽東城。復見張好好。刊本脫洛陽好好四字。據全唐詩增。

屬玉觀條。水鳥似鷓鴣。因以名觀。刊本觀訛樓。據三輔黃圖改。

雨金條。天雨金十斛于其家。刊本脫十字。據述異記增。

甲乙帳條。甲以居神乙自居。刊本脫甲字。據漢武故事增。

卷十

靈夔條。黃帝以靈夔爲鼓。刊本脫鼓字。據物類相感志增。

石磨條。梅溪山有石。轉如磨。聲如風雨。刊本風下衍若字。據續齊諧志刪。

火珠條。得于婆利國。刊本婆利訛利羅。據唐書改。

無名子條。乞兒還有大過年。二十三人。杖全。刊本脫人字。據秦中歲時記增。

槐花黃條。當年七月。復獻新文。求拔解。刊本當下衍午字。復訛後。又脫求字。並據秦中歲時記刪改增。

卷十一

內起居注條。雖左右史書之。恐不能載閨行之美。刊本脫行字。據松牕錄增。
木芍藥條。漢宮誰第一。飛燕倚新妝。案李白宮中行樂詞云。宮中誰第一。飛燕在昭陽。又清平調云。可憐
飛燕倚新妝。此本合兩詩爲一詩。誤。

齋戒六丁條。春秋合誠圖。刊本合誠訛命成。今改。

護卿條。富鄭公。刊本公訛邦。據青瑣高議改。

灰釘條。燔康居。灰珍奇。椎鳴鏑。釘鹿蠹。刊本燔訛焚。鏑訛鎬。並據後漢書改。

壓角條。必設紫褥于庭。面北拜廳。刊本面訛西。拜訛面。並據文昌雜錄改。

葉子格條。鄭戩亦能之也。刊本鄭訛仲。據歸田錄改。

一節條。雲丘帝竹一節爲船。刊本雲訛員。又脫竹字。據太平廣記改增。

卷十二

天麥毒條。陽春踏盡秋風起。刊本脫盡字。據洞微志增。

津步條。羅池廟碑云。步有新船。刊本碑訛詩。步訛津。並據昌黎集改。

藥欄條。池藥未御。幸者假于貧民。案藥。漢書作藥。

校書官稱學士條。蓋開元故事也。刊本脫事字。據夢溪筆談增。

交魚符條。唐宮殿門給交魚符。刊本宮訛車。給訛絲。並據唐書車服志改。

鍊雪丹條。與弄玉塗之。刊本脫玉字。據雞跖集增。

蟹朝魁條。早夜指江而行。名蟹朝魁。刊本脫朝魁二字。據海蟹志及蟹錄增。

象耕鳥耘條。耘欲疾如鳥之啄。刊本欲訛如。據雞跖集改。

李陽冰書於天地山川。得方圓流峙之常。刊本川下衍得山川三字。據唐文粹刪。

卷十三

茅濛條。茅濛字祖成。盈之高祖。刊本字訛自。又高祖二字訛孫字。並據洞仙傳改。

詩作花骨條。長鬣張郎三十八。天遣裁詩花作骨。刊本脫詩字。花作二字互倒。並據李長吉集增改。

青士條。樊宗絳守居園記。刊本脫絳守居三字。據文苑英華增。

河陽條。河陽一縣併是花。金谷從來滿園樹。刊本花字訛在併字上。又金下衍花字。並據庾子山集改刪。

神海條。中國者。天下八十一分之一耳。刊本脫下一字。據史記增。

類說 宋曾慥編

卷一

穆天子傳。策府條。於是載玉萬穀。刊本穀訛集。據穆天子傳注改。

卷二

高士傳。雖折節若夷齊。刊本脫若字。又夷訛義。並據高士傳增改。

卷四

青箱雜記。集句無可奈何花落去。似曾相識燕歸來。刊本似訛未。據詞綜改。

卷六

景龍文館集。四部書條。武平一知子庫書。刊本脫一字。據唐書增。

卷七

教坊記。踏謠娘條。北齊有人曰。蘇鮑鼻。刊本曰訛姓。又和者以其且步且歌。故謂之踏謠娘。刊本者訛

來。又極鬪鬧之狀以爲笑樂。刊本極訛卽。並據教坊記改。

卷八

集異記。張鎰拜相條。任調是反語饒甜。刊本任訛住。據集異記改。

卷九

仇池筆記。子美詩外尙有事條。杜子美自許稷與契。人未必許也。刊本脫人字。又局促商山芝。刊本芝

訛翁。並據杜集及詩話增改。

卷十

時無英雄條。李太白登廣武詩。刊本登廣訛廣陵。據全唐詩改。

卷十三

北戶錄。鸚鵡行。一作鸚母。刊本母訛歌。據三國志改。

魚有三百六十頭。案齊民要術作魚有五萬三百六十頭。與此異。

卷十五

候鯖錄。換羊書條。宗儒日作數簡以圖報書。刊本日訛從。以訛次。又脫數字。並據候鯖錄改增。

卷十七

東軒筆錄。刊本筆錄訛雜記。據稗海魏泰原書改。

卷十八

湘山野錄。乞賜監書條。但言襄陽無書。乞賜一監。公曰。此必可得。案無。湘山野錄作元。監作見。公作諸。相二字。又必下有。不字。與此異。

雲齋廣錄。白吳有秋日郊行詩云。鶴盤遠翅投孤島。蟬曳殘聲到別枝。案白吳。全唐詩作方干。翅作勢。鳥作嶼。到作過。與此異。

卷二十

傳燈錄。學非非想條。是生滅法生滅。刊本脫法生滅三字。據傳燈錄增。

五禪條。有凡夫禪。刊本訛作凡有大禪。據傳燈錄改。

卷二十一

南唐近事。妻妬悍條。遭逢聖運。原本逢聖訛。遇始。據妬記改。

卷二十五

炙穀子。君子禁微條。積羽沈舟。羣輕折軸。刊本軸訛輗。據史記改。

卷二十六

五代史補。牡丹詩條。曹唐羅隱皆有詩名。刊本唐訛康。據全唐詩改。

卷二十八

異聞集。枕中記條。但覺身入枕穴中。刊本覺訛記。據異聞集改。

卷二十九

麗情集。蓮花妓條。老去風情薄似雲。案去。別本作大風作心。與此異。

卷三十

新序。國是條。願相國與諸侯士大夫共定國是。刊本相訛舉。據新序改。

卷三十一

世說。青州從事條。督郵言在膈上住。刊本脫督字。據世說新語增。

卷三十三

真語室字潔淨刊本淨訛盛據真語改。

卷三十八

孔子家語魯以君子道輔其君條魯以君子之道輔其君刊本脫以字又脫子之二字並據家語增。

卷四十二

酉陽雜俎鳴天鼓條中央上下相叩爲鳴天鼓刊本脫爲字據酉陽雜俎增。

卷四十三

北夢瑣言鄉貢進士李某條留心貢舉刊本心訛新據北夢瑣言改。

卷四十五

尚書故實金根車條爲集賢校理刊本脫賢字據唐書增。

卷五十五

雜說唐酒價條恰有三百青銅錢刊本恰訛檢據杜工部集改。

卷五十八

書法苑葬玉埋香條隋開皇二年刊本皇訛宣據隋書改。

事實類苑 宋江少虞撰

卷一 祖宗聖訓

太祖條。若困鬪。則李煜一門不可加害。原本煜訛是。據南唐書改。又能強幹弱枝。致治于未亂。原本強幹二字互倒。又此徒端居終日。無他思慮。原本徒訛從。今並改。又何繼筠棣州。原本筠訛璫。又李謙溥隰州。原本謙訛謹。並據宋史改。又太祖將改年號。謂宰相曰。須出古來未嘗有者。原本未訛有。今並改。

卷二

太宗條。王禹偁時在翰林。原本偁訛稱。據宋史改。又如郭巨得黃金。原本巨訛臣。據搜神記改。又昔楊震講學。有鶴銜鱸墜堂下。原本鶴訛鶴。據後漢書改。

卷三

眞宗條。聞選務欲所部獄空。常戒諸州毋得濫受詞訟。夫禁止告辨。則人之曲直邪正無以辨明。原本濫受詞訟。夫禁止告辨。九字。訛作禁人若詞訟。亦辨止令知十字。今改。

卷四

仁宗條。若兵興調發。歲出不貲。非若今之可以緩取也。原本貲訛費。又脫可以二字。今並改增。又又錄

一本進呈。原本呈訛皇。又兩府推遷。執政以二人名聞。原本推訛吹。今並改。

卷五

仁宗時。宦官雖有甚蒙寵信者。臺諫言其罪。輒斥之。原本寵訛罷。今改。

神宗條。如臣下有勞。原本下訛不。又得諫官如此甚好。可以多言妄求邪。原本闕言字。又邪訛者。今並補改。

卷六 君臣知遇

竇僊諫議條。數月參政進謝。原本進訛中。今改。

卷七

張文定條。令武士拽出。原本士訛武。今改。

王文正條。聞卿居甚陋。密令更易之。原本闕更易二字。今補。禮遇詞臣條。并宣和門之北閣子。原本并訛須。今改。

卷八 名臣事迹

富文忠條。富公固爭獻納之名。以尊朝廷。原本闕以尊二字。又先是論者皆謂公筋力既壯。必不肯告去。原本脫先字。今並補增。

卷九

魏咸熙條。戒左右勿得輒言。使老卒驚懼。原本闕驚懼二字。今補。

張乖崖條。卽再三推闔。張忽縱之。原本闕縱字。今補。

丁文簡條。性寬厚率真。不修威儀。原本闕率真二字。又時特置紫宸殿學士。原本時特訛特物。今並補改。

卷十

大官高壽者條。少師趙公槩。原本少師趙訛作趙少二字。據宋史改。

貴門子弟條。韓氏之綜、絳、纘、維。才皆經緯。原本纘訛績。據名臣傳改。

廟上讀書條。錢思公雖生長富貴。而少所嗜好。在西洛時。嘗語僚屬。平生惟好讀書。原本好訛學。又洛下衍學字。今並改刪。

張文節條。此二姬乃夫人昔媵侍。原本闕侍字。今補。

張鄧公條。尋充壽春王友。原本闕王友二字。今補。

卷十一

趙參政條。金吾不禁夜。玉漏莫相催。原本禁訛惜。據全唐詩改。

寇萊公條。百姓聞之。競荷瓦木。不督而會。原本競訛竟。今改。

陳康肅條。真宗欲擇臣寮善弓矢美儀彩者。原本儀訛像。今改。

竇尙書條。公忠亮直。社稷之臣。原本闕臣字。今補。

卷十二

曹侍中條。利用慷慨。宣國威靈。原本國訛因。今改。

卷十三 德量智識

呂正惠條。遇聖上抑挫。未嘗懼。亦不形於言。原本脫於字。今增。

王文正條。上詩有一字誤。擬入告改却。原本脫擬字。告字。今增。

卷十四

寇萊公條。既而至京師。原本脫京字。今增。

卷十五 顧問奏對

司馬溫公條。又不指名其不便者。果何事也。原本指訛措。今改。

卷十六

王元之條。興國後。增官太冗。皆不如制。原本脫官字。又複衍制字。今並增刪。

卷十七 忠言議論

王平甫條。天下恟恟。不樂新法。原本脫法字。今增。

唐質肅條。衆斧登山。直木終須先伐。原本斧訛釜。今改。

卷十八 典禮音樂

金龍玉簡條。河中府百丈泓龍潭。原本府訛水。又闕潭字。據一統志改補。

卷十九

霓裳羽衣曲條。鄭嵎津陽門詩。原本嵎訛愚。據全唐詩改。

歌曲條。其曰陽春白雪。國中屬而和者。不過數十人。原本陽春白雪訛下里巴人。據文選改。

卷二十

審聲條。李白集中有清平調詩三首。原本調詩三訛樂詞四。據太白集改。

卷二十一 宦政治績

漕河條。天下諸處丁夫亦如之。原本闕丁字。今補。

卷二十二

陶鑑條。舊傳召伯埭。謝公所爲。原本伯訛兆。據一統志改。

戚密學條。其鞭挺繩索。比他邑數倍。原本闕倍字。今補。

卷二十三

韓魏條。合數千人。搗登聞鼓。原本數訛獻。搗訛過。今並改。

卷二十四 衣冠盛事

同甲會條中散大夫程珣。原本珣訛均。據宋史改。

榜首三人皆登兩府條。趙侍郎槃第二。原本侍郎槃訛時節蓋。今改。

卷二十五 官職儀制

樞密使條。國初復置中書爲二府。亦曰二院。但行東院印耳。原本印訛卽。又闕耳字。今並改補。

卷二十六

樞密院使侍宴賜衣條。班於垂拱殿外廷中。今本廷訛遇。據歸田錄改。

卷二十七

對剔判銓條。近北西向立。原本北西訛兆而。今改。

加食邑條。內直三種學士。原本直訛德。今改。

卷二十九 詞翰書籍

學士班次條。舊制。端明殿學士必於翰林中久任者。原本闕任字。今補。

卷三十一

藏書之府條。後漢藏之東觀。原本漢訛唐。據漢紀改。

卷三十二 典故沿革

改年號條。又改元曰嘉祐。自天聖至此。凡年號九易。原本脫嘉祐自三字。據宋史增。

卷三十四 詩歌賦詠

楊侍講條。青帝已教春不老。素娥何惜月長圓。原本青帝已教春。訛上青教帝已。今改。

卷三十五

蘇子美條。擬借寒潭垂釣。又恐鷗猜鷺忌。不肯傍青綸。原本闕擬字。恐字。猜鷺忌訛。烏相猜。肯訛宜。據洽浪集補改。

卷三十六

劉昌言條。惟有夜來夢蝴蝶。翩翩飛入刺桐花。原本闕來夢二字。今補。

卷三十八

雍熙以來文士詩條。清朝解組猶強健。白首還鄉正太平。原本闕解組二字。又雙蜂上簾額。獨鵲下庭柯。原本闕下字。又黃蜂衙退海潮落。白蟻戰酣山雨來。原本脫落字。今字增補。

錢惟演劉筠警句條。漢月隨移帳。燕鴻伴解鞍。原本闕月字。又甲士氣豪傳漢俗。丙魚味美敵吳鄉。原本闕甲士二字。今並補。

李白詞條。玉階空佇立。原本闕階字佇字。並據湘山野錄補。

卷三十九

程文條。石言于晉。原本晉訛宋。據左傳改。

卷四十

沈存中論文條。陪遊駁娑。聘織腰于結風。原本闕駁字。據徐陵集補。
詩句作圖條。梅聖俞愛巖維詩。原本闕巖字。據全唐詩補。

卷四十一 文章四六

徐鍇條。後主令于醫院。取桂屑數斗。徧布縫中。經宿草盡死。原本闕徧字。縫字。今並補。

卷四十二

賜恩澤出身章服誥條。久淪巖穴。夙蘊經綸。原本闕夙蘊二字。據玉壺清話補。
音韻條。折聲自臍輪起。至唇上發。如舛字之類是也。原本闕舛。據夢溪筆談補。

卷四十三 曠達隱逸

李續處士。原本續訛瀆。據滙水燕談改。

麻希夢條。天下稱麻氏教子有法。原本脫稱字。今增。

卷四十四

朱侍郎條。荆帥陳康肅堯咨。表其居爲東西致仕坊。原本脫肅字。據宋史增。

卷四十五 仙釋僧道

呂先生條。俗以瓜字爲二八。原本闕二八二字。今補。

卷四十六

趙抱一條。祥符四年。至京師。猶強健。原本闕強健二字。據談苑增。

卷四十八 休祥夢兆

詩讖條。江南李觀通經術。原本觀通訛。遇道。據青箱雜記改。

卷五十二 書畫技藝

祕閣畫條。戴嵩牛。原本嵩訛松。今改。

書字肥瘦條。書貴瘦硬方通神。原本通訛有。據杜工部集改。

卷五十四

彈棋條。李商隱詩。原本闕李商二字。據全唐詩補。

算術條。若位數少則頗簡捷。原本闕簡捷二字。據筆談補。

卷五十五 忠孝節義

魯簡肅條。卿爲近臣。恐爲御史所彈。原本闕近字。今補。

姚栖雲條。又五十餘年。而其家孝友不衰。原本闕不衰二字。今補。

卷五十六 將帥才略

曹武惠條。朝廷察之。止貶右騎衛上將軍。原本闕貶字。今增。

辛仲甫條。頃從事於郭崇文教其射法。原本脫文字。今增。

卷五十八

种世衡條。待部落家人遇有功者。原本待部落家人遇訛部落遇家人。今改。又八子詁、診、詠、諮、諤、訢、誼。原本詁訛古。訢訛所。誼訛宜。並據宋史改。

卷五十九 知人薦舉

李文靖條。如丁之才。相公自度。終能抑之否。原本闕才字。今補。

卷六十一 廣知博識

音韻之學條。趙總有吞船酒膽豚之句。而禮部韻略不收。原本脫韻略二字。今增。
竇仁惠公條。樂官掌之。依譜教習。原本闕官字。譜字。今補。

卷六十二 風俗雜誌

古銅魚符條。左雲廳將軍行磨米州刺史持節磨米州諸軍事。原本上米字訛美。下米字訛來。並據唐書地理志改。

卷六十三

麕裂臍。犍牛斷尾條。與人有痔病者。原本人有二字訛作自字。據莊子改。

仕學規範 宋張鉉撰

卷三十二

作文類人當先養其氣條。雖不若歐陽之豐富新美。刊本脫美字。據宋本增。

卷三十八

作詩類詩人有寫物之工條。皮日休白蓮花詩云。無情有恨何人見。刊本有訛無。今改。又案此詩見陸龜蒙集。

卷四十

詩家有換骨法條。遙望洞庭山翠色。刊本山訛湖。色訛水。據全唐詩改。

白警編 宋趙善璩撰

卷二

誠實條強公受詰拜而不受。原本詰訛告。今改。

卷五

處患難條章惇戒堂吏不得上注。其子告惇以少師執政。原本師訛與。據見聞錄改。

卷八

救弊條。凡民之貸者與。其有司辨而授之。原本脫而授二字。據周禮增。

言行龜鑑 元張光祖撰

卷一

范文正公在長白山僧舍修學。惟煮粟米二升作粥一器。經宿遂凝。乃畫爲四塊。早晚取二塊。斷蠶十數。蒸醮汁半盂。入鹽少煖而啗之。如此者三年。案此一段。宋名臣言行錄不載。此書足補其闕。

老泉先生少不喜學。年壯猶不知書。二十七始大發憤。案二十七三字。宋名臣言行錄脫佚。又舉茂材異等。亦不中退。而歎曰。此不足爲吾學也。悉取所爲文數百篇焚之。案此五句。名臣言行錄亦脫佚。此足以補其闕。

卷二

徐節孝事母謹嚴。親戚故人或致甘毳。誠不至。禮不恭。弗受也。案親戚五句。宋名臣言行錄脫佚。此足以補其闕。

卷三

歐陽修甥嫁爲從子晟妻。與人淫亂。事覺。語連及修。趙槩上書言修以文學爲近臣。不可以閨房曖昧之。

異輕加污鱗。原本輕訛轉。據宋名臣言行錄改。

卷四

真宗命馮元談易。元薦查道。李虛己。李行簡三人者與焉。奏曰。道。歙州人。母病。嘗思鱖魚羹。方冬無有。道泣禱河神。鑿冰取得鱖魚尺餘。以饋母。後舉賢良。案宋史馮元本傳止載元與查道等講易。不載元薦道之言。此可補其缺。

趙槩知審官院判祕閣。與高若訥同判流內銓。若訥言往嘗知貢舉。聞母疾。不得出。幾不能生。公矍然。卽請郡以便親。宰相謂旦夕爲學士。可少待也。公不聽。遂除蘇州。案此段宋史本傳不載。

卷五

周馮道初仕後唐。案此條列馮道於出處門中。且加褒美。實失是非之正。

宰相文彥博宋庠等言。韓維好古嗜學。安於靜退。原本靜訛進。據宋名臣言行錄改。

劉安世元城。初除諫官。未敢拜命。與孃子謀曰。案宋史劉安世本傳作入白母曰。此作入與孃子謀曰。呼母爲孃子。或係宋人俗稱。今姑仍其文。

卷六

呂正惠公端居相位。原本正惠作正肅。據宋史改。

陳文惠公堯佐爲政。一以誠信。每歲正月夜放燈。則悉籍惡少年禁錮之。公召諭曰。尹以惡人待汝。汝安

能爲善。吾以善人待汝。汝忍爲惡耶。因盡縱之。凡五夜無一人犯者。案宋名臣言行錄刪去汝安能爲善二句。其詞意不若此之詳。

呂獻可爲御史中丞。謂司馬溫公曰。王安石雖有時名。然執偏見。不通物情。輕信難回。喜人佞己。原本難回訛姦回。據宋名臣言行錄改。

劉元城徧歷言路。正色立朝。知無不言。人以俚語目之曰。殿上虎。原本上訛口。據名臣言行錄改。

四庫全書考證卷五十六

子部

說郛

四庫全書考證 卷五十六

說郛 元陶宗儀撰

卷一中

詩小序。江有汜條。江沱之間。刊本沱訛汜。據詩經注疏改。

野有死麕條。雖當亂世。猶惡無禮也。刊本惡訛爲。據小序改。

出其東門條。公子五爭。兵革不息。刊本五訛互。案五爭者。謂突再也。忽子聲。子儀各一也。今據鄭箋改。

由儀條。萬物之生。各得其宜也。刊本之訛得。得訛極。並據小序改。

文王有聲條。繼伐也。刊本伐訛代。據鄭箋改。

洄酌條。言皇天親有德。刊本言下衍其字。據小序刪。

卷二上

潛虛行圖。偶卦六爻。注。宣王晏起。姜后請罪。刊本宣訛文。據列女傳改。

卷二下

周易略例。辨位條。位有尊卑。爻有陰陽。尊者陽之所處。刊本下陽字訛爻。今改。

卦略條。臨卦。剛長則柔危矣。刊本長訛柔。又豐卦。明微則見沫。刊本沫訛昧。並據周易改。

周易古占撰。著詳說條。初撰之劫。刊本初訛劫。今改。

卷三上

讀易私言震九四條蓋震而臣近君有戒慎恐懼之義刊本臣近二字互倒今改。

卷三中

論語筆解回也其庶乎條貨當爲資殖當爲權字之誤也刊本殖訛植今改。
陪臣執國命條故春秋止于獲麟刊本脫獲字今增。

卷四上

毛詩草木鳥獸蟲魚疏顏如舜華條舜一名木槿刊本木訛水據禮記改。
爲鬼爲蜮刊本爲並訛如今改。

卷四下

三禮叙錄注吳澄刊本澄訛徵今改。
小戴記三十六篇條大傳間傳刊本間訛問今改。

卷五上

春秋合誠圖天皇帝北辰星也案此條前文已見此係重出。
春秋感精符大電條感附寶而生黃帝刊本附訛符帝訛金據史記注改。

卷五下

春秋後語。南郟、邵陵、武陵、新都東有淮潁。刊本邵訛郡。脫有字。又淮潁訛譙隸。並據史記增改。

禮稽命徵。顓頊有三子條。以桃弧葦矢土鼓。刊本土訛工。據厲禮改。

五經通義。舞四夷之樂條。詔阮孚等增益之。刊本詔阮孚訛訪防夫。

又乃復置太樂官。鳩集遺逸。尙未

有金石也。刊本樂訛一。尙訛又。並據唐書樂志改。

卷六上

遁甲開山圖。女狄暮汲石鈕山下。案此條。前文已見。此係重出。

兼明書。土牛義條。卽策牛人當中示其農中也。刊本下中字訛事。據月令注改。

包匭菁茅條。荆州。刊本荆訛陽。據尙書改。

美目清兮條。目上爲名。目下爲清。刊本名訛明。據毛傳改。

曷又從止條。公子翬如齊逆女。齊侯送姜氏于譚。刊本脫逆女齊侯四字。據左傳增。

卷六下

補茅鴟條。學書計。十有三年學樂。誦詩。舞勺。刊本計訛記。誦訛習。又脫勺字。並據禮記改增。

善者信矣條。勿使能殖。刊本殖訛植。據左傳改。

卷七下

實賓錄。書樓張家條。積書萬卷以樓藏之。刊本脫藏字。今增。

參同契。乾坤者易之門戶條。爻辭有仁義。刊本脫有字。據漢魏叢書增。
乾坤設位條。坎戊月精。離已日光。刊本脫精字。據漢魏叢書增。

卷八上

漁樵對問。復何以見天地之心條。后不省方。刊本后訛後。今改。

卷八下

西疇老人常言應世條。女君之育婢。獲亦莫不然。刊本育訛盲。今改。
正弊條。欲風俗還淳。不可得也。刊本復衍不字。今刪。

卷九上

鹿門隱書。或曰仲尼思春秋條。愛拔距而過賢者。刊本愛訛受。據齊書改。
以儉而獲罪條。陶旗之家生子。而捨乎陶旗。刊本旗並訛旒。據周禮改。
兩同書理亂條。是以漢祖矜功。刊本功訛坊。今改。

卷九下

迺書。蠶祝條。是惡能苦我哉。刊本苦訛若。今改。
販車。刊本販訛飯。今改。

新書。知人性條。一日問之。以是非而觀其志。刊本脫問字。今增。

卷十上

正朔考。其三。特其立說猶未免牽于傳注。刊本免訛必。今改。
新唐書糾繆。盧坦誤書吳必誠。刊本坦訛拒。據唐書改。

卷十下

遂初堂書目。周易類。劉牧易數鉤隱圖。刊本牧訛愆。今改。

樂類。古今樂錄。刊本今訛經。據唐書改。

春秋類。孫明復尊王發微。刊本脫明字。今增。

小學類。張揖廣雅。刊本廣訛博。據隋書改。

僞史類。和包漢趙記。刊本包訛苞。趙訛起。據唐書改。

姓氏類。唐李利涉編古命氏錄。刊本脫利字。涉訛沙。編訛篇。並據唐書增改。

目錄類。梁阮孝緒七錄。刊本阮訛院。錄訛略。據唐書改。

地理類。恭廣志。案唐書有郭義恭廣志三卷。此脫郭義二字。

別集類。夏文莊集。刊本夏訛百。今改。

卷十一上

輜軒絕代語。扉履屨條。中有木者謂之履烏。絲作者曰不借。案方言。中有木者謂之複烏。自關而東謂之

複履其庫者謂之靴。下禪者謂之鞮。絲作者謂之履。麻作者謂之不借。並與此異。
螻蛄曰社狗。案社通雅作土。方言作杜。並與此異。

獨斷天子父事三老者。道成于天地人也。刊本道訛適。據漢官儀改。

郵表曠。刊本曠訛輟。今改。

臆乘。責負條。言富貴有錢與他人以取利息。刊本言訛古。與訛於。以訛次。並據漢書改。
兒條。祖瑩曰。聖小兒。刊本脫祖字。瑩訛瑩。據後魏書改。

卷十一下

芥隱筆記。荆公押而字條。考工記梓人。刊本梓訛旌。今改。

不子也條。匹夫匹婦尙相擇。况天子乎。刊本脫尙相擇三字。據唐書改。

宜齋野乘。五帝非官天下條。匡王傳弟定王。刊本匡訛康。據史記改。

卷十二上

中華古今注。公侯大將軍紫綬條。青綬。刊本青訛綠。又瀉青圭。刊本脫瀉字。又墨綬。三采青赤紺。刊

本脫赤字。並據漢書改增。又自青綬。以上綬皆長三尺三寸。刊本脫綬字。據漢書增。又三寸漢書作

二寸。

淮南王歌。刊本淮訛安。又淮南王服食求仙。徧禮方士。刊本脫淮服二字。今並改增。

橫吹條。唯得摩訶兜勒二曲。刊本得訛德。又和帝時。萬人將軍得用之。刊本之訛人。又折楊柳。刊本折訛於。並據晉書改。又共有十曲。刊本訛作一十四曲。今改。

鼙犬。刊本鼙訛駭。據逸周書改。

鯉魚條。謂白鯉爲白騏。黃鯉爲黃騏。刊本騏訛旗。騏訛雉。並據崔豹古今注改。

卷十二下

釋常談。棄繻之志條。漢書終軍字子雲。刊本漢書訛史記。案史記無終軍傳。今改。

不速之客條。包有魚不利賓。刊本利賓訛于客。據周易改。

續釋常談。客氣條。荀赤松奏顏延之啓云。高自比擬。客氣虛張。刊本亦訛亦。奏訛秦。比訛北。又擬上衍合字。並據南史改刪。

卷十三上

演繁露。古每一官別鑄印條。孔琳之當太元時建議曰。刊本太訛且。今改。

七牢百牢條。吳責魯饋百牢。刊本魯訛晉。據左傳改。

天鹿辟邪條。烏弋有桃拔。刊本弋訛戈。桃訛挑。據漢書改。

卷十三下

李氏刊誤。侍中僕射官號條。又則天寵侍御者張易之。刊本易之訛景宗。據唐書改。

孔氏雜說古文字通稱條。盡取善繪句諸宮人。刊本句訛句。據漢書改。

射策條。有欲射者。隨其所取得而釋之。刊本脫欲字。釋訛擇。又射之言投射也。刊本投射訛射策。並據

漢書注改。

卷十四上

鼠璞呼父爲爹條。赴人急。如水火。何時復來哺乳我。刊本脫人字。復字。據南史增。

抑之詩序條。衛武公共和元年。案史記諸侯年表及衛世家。武公名和。又周之共和元年。乃衛釐侯十四

年。非武公之時。此誤。

蓄米條。天之廚臧主倉廩五穀府也。刊本訛作天廚主藏廩五穀也。據竹書改。

卷十四下

資暇錄。卜姬條。桑道茂。刊本桑訛乘。又有姬一無所知。大開卜肆。刊本卜肆訛小四。今並改。

賓退錄。王建宮詞。寶仗平明秋殿開。且將團扇夜徘徊。案寶仗。全唐詩作奉帚。夜作暫。並與此異。

八駿條。三名奔霄。四名超影。刊本奔訛本。超訛起。並據拾遺記改。

王建宮詞條。蓋建自有宮詞百篇。刊本建自有訛有建自。今改。又勅賜親來乞巧樓。春來曉困不梳頭。

案親來。全唐詩作諸親曉作睡。又紅燈焰裏看春雲。案焰。全唐詩作睡。並與此異。

卷十五上

螢雪叢說解書條。則若商鞅之法。棄灰於道者有誅。刊本誅訛諸。據說苑改。斷飲說。蓋禁之以所欲。而勸其所不欲。刊本禁勸二字互訛。今改。

卷十五下

孫公談圃。南北郊條。取其繭栗者。刊本繭訛幽。據禮記改。

墨客揮犀。晉使子員謂鄭人曰。刊本員訛貢。據左傳改。

卷十六上

宋景文公筆記。考司馬相如贊條。易本隱以之顯。刊本以之二字互倒。今改。

卷十六下

王文正筆錄。王繼忠性謹飭條。咸平六年夏四月。石普方守莫州。素與繼忠同在東宮。乃命致書于普。案宋史真宗本紀。載此事在景德元年九月。與此互異。又于是兵罷。改元景德。案宋史真宗本紀。改元景德。係正月丙戌朔。契丹講和。係十二月事。改元在前。罷兵在後。與此互異。

丁晉公談錄。景德中。契丹寇澶淵。在河北。聖駕在河南。陳敵次。忽日食。盡司天監官奏云。主兩軍和解。案宋史真宗本紀。日食係十二月庚辰朔。契丹遣王繼忠馳奏請和事。在日食之前。此書所載與史互異。

卷十七上

愛日齋藜抄。古人貴字條。至五十卽稱伯仲。除了下面兩字。刊本至訛吾。了訛子。又問林伯先在否。林不

拜刊本林伯訛伯材下林字訛何今並改。

卷十七下

五國故事僞漢先主名嚴注殊不典也刊本典訛與今改。

卷十八上

侯鯖錄晁次膺薄遊南京條見來金斗慰愁眉刊本熨訛慰今改。

元微之貶江寧府士曹刊本貶訛敗今改。

卷十八下

樂郊私語州著姓常氏條戴貂蟬冠刊本戴訛帶今改。

卷十九上

寓簡古今之言多謬誤條滎陽下引河東南爲鴻溝以通宋鄭陳蔡曹衛刊本曹訛魯據漢書溝洫志改。碧雞漫志子語魯太師條子貢問師乙刊本乙訛讓又肆直而慈愛者宜歌商刊本脫肆直而慈四字。又恭儉而好禮者刊本恭下衍敬字又正直而靜廉而謙者刊本直訛道謙訛謹並據樂記改增

刪。

石崇以明君曲教其妾綠珠條七尺大刀奮無端刊本尺訛七據晉書改。

涼州曲條春風南內百花時道調涼州急徧吹案春全唐詩作東調作唱與此異。

伊州條、歇拍調、案拍、唐書禮樂志作指。

霓裳羽衣曲條、楊敬述、案述、唐書禮樂志作忠、與此異。

念奴嬌條、衆樂爲之罷奏、刊本衆訛中、今改。

卷二十上

避暑錄話、禹貢導漾條、沈水伏流至濟而始見、刊本沈訛流、伏訛復、據尙書改。

卷二十一上

龍川別志、張公安道條、若舍注疏而立異論、刊本舍訛合、今改。

卷二十二上

細素雜記、格五條、庾元威所著、座右方、刊本復衍著字、今刪。

捫虱新語、杜陶二公詩話、天成條、夜闌接軟語、落月如金盆、刊本軟訛偃、月訛日、據少陵集改。

卷二十三上

因話錄、閣下條、韓退之與張僕射書、刊本脫射字、今增。

五倫條、五服弗得不親、刊本得下衍師字、據學記刪。

璽寶印條、貨賄用璽節、刊本貨賄訛門關、又職金揭而璽之、刊本揭下衍吾字、並據周禮改刪。又固封

璽、案此句本呂氏春秋原文、戴記月令作固封疆。又季武子使公冶問璽書、追而與之、刊本脫李字。

公訛李。又脫追字。並據左傳增改。又雍熙三年。改御前書詔天子合同三印皆爲寶。刊本脫御前二字。子訛下。並據燕翼貽謀錄增改。

五色線。昌廬案廬。尙書中候作戶。

瀟洒侯。陸龜蒙詩。藜竹當封瀟洒侯。案藜。全唐詩作松。

五總志。潦倒條。魏天寶間。謂容指蘊藉爲潦倒。案魏書無天寶年號。此誤。

白皮牛條。剖其肉明目愈瘡。刊本剖訛部。又愈瘡二字互倒。今改。

卷二十三下

灸穀子錄序。樂府箜篌引條。霍里子高。刊本脫里子二字。據左傳注增。

陌上桑條。祝禁妻所作也。案古今注。陌上桑出秦氏女子名羅敷。爲邑人千乘王仁妻。此云祝禁妻所作。

彼此互異。附識。

橫吹竹條。以鼗鼓鼓軍事。刊本事訛土。據周禮改。

襄陽。宋劉道彥所作也。案劉道彥。新唐書作王誕。與此異。

唾玉集。行令條。劉寬婢羹汗朝衣。刊本脫婢字。今增。

澄懷錄。唐詢條。有硯錄三卷。案三宋史藝文志作二。

卷二十四上

王氏談錄附編、錄觀覽書目條、案語、大抵前輩仕進、便思功業自斯遠大、刊本思功訛作宮、今改。

卷二十四下

南窻記談、辨疑條、改易本文而傳會之、最爲解經者之病、此言蓋譏鄭氏也、刊本病訛敬、譏訛識、今並改。
三柳軒雜識、天數條、天周九九八十一萬里、刊本脫一字、據春秋元命苞增。

卷二十五上

遜齋閒覽詩談、花瑞條、韓魏公以副樞出鎮淮揚、刊本脫公字、今增。

志林、王烈石髓條、叔夜婢直又甚於退之也、刊本直訛息、今改。

卷二十五下

緯略、解鳥語條、東北一婦昨殺夫、牽引西家父、案父、魏志管輅傳作人、又果有東北五人來告、案五人、

魏志作同五民。

席上腐談、二十八宿條、丹書云、烏月兔日、刊本脫日字、今增。

讀書隅見、靜中所得最多條、中郎康泰從事朱應、刊本訛作中朱奏應從事泰應、據南史改。

卷二十六上

東園友聞、中書通事舍人條、魏置通事郎、掌誥命、晉置中書通事舍人、刊本掌訛堂、晉訛進、今並改。

卷二十六下

義山雜記、宜都內人條、其勢陰求陽也、刊本求訛來、據義山文集改。

齊魯二生條、少良致貲以萬數、刊本致訛政、據義山文集改。

文數雜著、謂莊生條、以其弟自合不死、非莊生之力也、刊本弟訛兄、據史記改。

卷二十七上

雞肋編、張易之、刊本易訛義、據唐書改。

卷二十七下

暇日記、正月解凍水、二月白蘋水、三月桃花水、四月瓜蔓水、五月麥黃水、六月山礬水、七月豆花水、八月

荻苗水、九月霜降水、案宋史、正月作信水、四月作麥黃水、五月作瓜蔓水、九月作登高水、與此互異。

卷二十八上

雲谷雜記、臚句傳條、上告下爲臚、下告上爲句、刊本句訛告、據漢書注改。

月令字誤條、不韋之書、刊本韋訛常、今改。

船窻夜話、賜金杵白條、汝能治痢否、對曰、專科、刊本對曰、專科、訛曰、專對科、今改。

卷二十九下

步里客談、富文忠公條、天下安知無同姓名者、刊本脫名字、據上文增。

卷三十上

游宦紀聞。尊人有誠條。問盎曰。絲能日飲幾何。刊本絲訛然。據漢書改。
隣幾雜誌。毒虺斷首。猶能飛以噬人。刊本飛訛聽。據稗海改。

卷三十一下

奚囊。橘柚糜欽棗條。謂之糜欽酒。刊本欽訛酒。今改。

漢高帝時。有黃公。不事生產。刊本不事二字互倒。今改。

卷三十二上

潛居錄。揚子雲條。勤勞則過于阿衡。刊本阿衡二字互倒。據法言改。

卷三十三上

西溪叢語。段成式酉陽雜俎條。夢與厲公訟弗勝。刊本脫訟弗勝三字。據左傳增。
古文篆條。金膏滅明光。水碧綴流溫。刊本光訛膏。溫訛濕。據文選改。

卷三十五上

撫言。崔櫓條。叵耐一雙窮相眼。刊本叵訛巨。據全唐詩改。

溫憲光啟中及第。刊本光訛天。今改。

卷三十五下

談淵。曹彬潘美條。曹曰。船邊獨木板。尙不能進。刊本船訛云。據宋史改。

卷三十六上

隋唐嘉話、皇甫文備條。我所守者公法也。安可以私害公。刊本脫可字。今增。

卷三十九下

該聞錄注。李旼刊本旼訛略。據宋史藝文志改。

汪表忠皇子條。後主從嘉。刊本後主訛從王。又鄧王從鑑。刊本鑑訛諡。又昭平郡公從度。刊本脫郡字。度訛慶。並據宋史及五代史改增。又案五代史昭平郡公下有從信文陽郡公。宋史亦云。從度爲左監門衛大將軍。從信爲右監門衛大將軍。此書失載從信一條。附識于此。

卷四十一上

春明退朝錄。宰相謚文獻。注。王祁公溥改文康。刊本溥訛簿。據宋史改。

卷四十二

創業起居注。以四郎元吉爲太原郡守條。迎代王卽位于大興殿。是時年已十餘歲矣。刊本缺大興殿是時年六字。據隋書補。

乾瀆起居注。乾道三年條。適有雙燕掠水飛過。得旨令會觀作詞。刊本作訛詩。今改。

卷四十三上

東觀奏記。上至孝條。上敦睦九族。於諸侯王尤盡友愛。刊本友訛尤。今改。

上每孜孜求理條。雖家臣室老不得漏洩。刊本老訛與。今改。
畢誠條。以是餌吾。將以族吾家也。刊本族吾家訛吾家族。今改。

國老談苑。徐鉉爲散騎常侍條。上苑象斃。取膽不獲。刊本脫取膽不獲四字。據湘山野錄增。

卷四十三下

續明通雜志。乾鵠噪而行人至。刊本乾訛干。今改。

卷四十四上

燕翼貽謀錄。復置封駁司條。淳化四年。太宗皇帝推考廢職。刊本宗訛祖。據續綱目改。

鎖應不合格條。故當時由此出者。皆爲文人。刊本者訛此。據百川學海改。

皮場廟條。京師試禮部者。皆禱于二相廟。刊本脫二相廟三字。又不知何以得相之名也。刊本脫相字。

又皮場卽皮剝所也。刊本脫所字。並據百川學海增。

創檢正檢詳條。都事錄事承旨。刊本錄訛銀。今改。又近世目宰屬樞屬。目爲旋窩。人主親擢。又有跳出

旋窩之號。頗恃以自矜矣。刊本旋訛旒。又脫人主親擢至旋窩十字。並據百川學海增。

樞密使罷不草制條。高若納爲樞密使罷政。刊本罷政訛政之。今改。

淮南轉運使條。皆在楚州。刊本在訛從。今改。

增置貼職條。今加于實稱之上。可謂重疊。刊本加于二字互倒。今改。

卷四十四下

定宦官員額條。蓋以遇郊恩任子。皆十數歲小兒。刊本郊恩訛效思。據百川學海改。

進士期集所條。所得小錄題名紙。扎裝潢皆精緻。刊本潢訛演。據唐六典改。

洛陽縉紳舊聞記。張相諱從恩繼室。訪其姓氏未獲。刊本繼室訛國號。據下文改。

小說舊聞記。元相國之鎮江夏也條。大中三年。因請假將入齋。刊本請下衍辰前二字。將訛寤。又今公

若貫龜壽萬死罪。刊本貫訛責。又幸爲呼李龜壽出。乃其妻且曰。訝君稍遲。昨夜半自前來相見耳。

刊本幸訛串。呼訛吁。君訛聲。並據江行日錄刪改。

卷四十五下

錢氏私誌。歐文忠公任河南推官條。闌干倚徧。待得月華生。刊本脫得字。又旁有墮釵橫。刊本旁訛倚。

並據草堂詩餘增改。

桐陰舊話。忠獻公條。遇烈日及小雨。張敞繖自蔽。刊本蔽訛弊。今改。

卷四十六上

杜陽雜編。瀨東國貢舞女二人條。脩眉豔首。刊本豔訛夥。今改。

松窓雜記。玄宗何皇后條。撫下有恩。刊本下有訛有不。據唐書改。

景龍文館記。中宗景龍三年條。欽逢容藻光韶律。刊本光訛先。據全唐詩改。

卷四十七上

江行雜錄。和政公主條。女優有弄假官戲。其綠衣乘簡者。謂之參軍椿。刊本椿訛椿。據說海改。

楊敬之作華山賦條。見若蟻垤九層矣。刊本垤訛蛭。據唐文粹改。

太祖自陳橋還條。此日試廚萬幸台。意須照例。刊本台訛白。今改。

聞見雜錄。注王鞏。刊本訛作蘇舜欽。案宋史。蘇舜欽爲滎陽尉。終湖州長史。父耆爲工部郎中。此書第四

條云。先公爲諫官。論王德用進女口。又云。卿王某子。又第十七條內云。予承宗正。俱與蘇舜欽不合。宋

史王旦傳。其子素由屯田員外郎薦爲御史。嘗論王德用進二女事。其子鞏官至宗正丞。正與此合。今

據改。

卷四十七下

文昌雜錄。袴褶之制條。七品以上綠褶。九品以上碧褶。刊本脫綠褶。九品以上六字。據雅雨堂叢書增。

史記趙同條。今人與父同名者。改曰同爲是也。刊本是訛字。據說海改。

遂昌雜錄。宋巨璫條。他則董駿。不能記憶。刊本脫記憶二字。今增。

宋太學生東嘉林景曦案曦。宋詩紀事作熙。又手持作杖夾。遇物卽以夾投籬中。案宋詩紀事作挾竹夾。

遇物夾投籬中。俱與此異。

古杭雜記。太學服膺齋條。閒將柳帶結同心。耳邊消息空沈沈。刊本柳訛梅。耳邊訛流淚。並據草堂詩餘

改。

蜀人文及翁條。百年歌舞。百年酣醉。刊本脫百年歌舞四字。又簇擁紅粧搖畫舫。刊本擁訛樂。並據西

湖志增改。

錢塘遺事。度宗崩條。爾奕。爾文虎。昔受先朝之知。刊本奕訛赤廿二字。據通鑑改。

卷四十八上

唐國史補。惜福條。上使割羊臠。以餅潔刃。徐噉之。刊本潔訛飾。據唐書改。

唐語林。方正條。裴光庭性嫉惡。刊本性嫉訛性好。今改。

卷四十八下

大唐新語。開元二十三年。加榮王以下官。勅宰臣入集賢院。分寫告身以賜之。刊本開元二十三年加榮

王以下官。訛作開元年加榮二十三王。今改。

谷那律條。嘗從太宗出獵。刊本訛作永徽中嘗從獵。據唐書改。

雲陵詩話。李義山條。不知船是此花身。刊本船花二字互倒。據全唐詩改。

周復條。某偶以大人往還高門。刊本脫門字。今增。

卷四十九

四朝聞見錄。張司封廟條。張司封廟號昭貺。刊本司訛目。貺訛昭。並據西湖志改。

武林傳靈隱山刊本隱訛後據西湖志改。

萬年國清幽天條。臣家在天台上。刊本天台上訛治上天。今改。

三朝聖政錄注。石介刊本介下衍進字。據經籍志刪。

洛中紀異錄。同光乙酉歲。王師平蜀。刊本同光訛周先。據五代史改。

鐵圍山叢談。虞夏而降制器尙象條。王命尸臣官此桐邑。刊本桐邑訛物色。據漢書改。

相學齋雜抄。轉運田特秀字彥實。刊本秀訛脩。據中州集改。

涑水紀聞。周恭帝條。太祖之姊。或云卽魏國長公主。案宋史。魏國長公主。太祖之女。非姊也。附識。

太祖皇帝潛龍時條。曹秦王。案宋史。曹彬傳。以孫女爲慈聖光獻皇后。因追封爲韓王。未有秦王之封。此

與宋史異。

兩朝實訓。刊本兩訛西。據經籍志改。

卷五十一上

隨手雜錄。吳處厚條。執政議謫光祿卿分司南京。刊本謫光祿卿訛太常少卿。據通鑑改。

卷五十一上

翰林志。案六典中書掌詔旨制勅條。五曰勅旨。爲百司承旨。刊本承訛丞。據百川學海改。

元和以後條。獨召對揚。刊本揚訛賜。據百川學海改。

卷五十一下

趨朝事類官品令條。飛騎尉、雲騎尉。刊本脫雲騎尉三字。據別本增。

駕頭條。皇朝類苑謂之正衙法座。香木爲之。刊本木訛水。又中貴官捧月樣杌子于馬上。今係閣門宣

贊舍人。利本杌子以下十三字。誤在下條。絨毛坐褥標題下。並據沈括筆談改。

紹熙行禮記。紹熙二年條。凡事全望太皇太后主張。刊本全訛。今據稗海改。

卷五十二上

明皇十七事。源乾曜條。蕭至忠。刊本至訛志。據唐書改。

蕭嵩爲相條。亦國家美事也。刊本亦訛輔。今改。

開元天寶遺事。依冰山條。時人美張生見幾。刊本美張二字互倒。今改。

卷五十三下

高宗幸張府節次略。看班祇候八人。刊本脫八字。據下文增。

卷五十四

蜀構杌。王建條。韋莊爲散騎常侍。案五代史爲下有左字。又唐道襲爲樞密使。案五代史無道字。並與

此異。

卷五十五

三朝野史、金陵帥闡條、俱懷整緯之憂、刊本整訛發、據左傳改。
五代新說、梁沈中丞條、口血未乾、刊本脫口字、今增。

卷五十六

天南記行、至元二十五年條、方今薰風解慍、刊本方上衍聖旨二字、今刪。

卷五十七上

羣輔錄、太姒十子條、成叔武、霍叔處、刊本武處二字互訛、據史記改。
吳八絕條、曹不興畫、刊本不訛丕、據古畫品錄改。

卷五十七下

東林蓮社十八高賢傳、慧持法師條、至成都郫縣、刊本郫訛俾、又西問法付與曇蘭、刊本付與二字互倒、今並改。

卷五十八上

汝南先賢傳、永平十三年條、一句之外活千人之命、刊本活訛言、據漢書改。
零陵先賢傳、葉譚條、武子爲之默然、刊本爲之二字訛在武子上、今改。

卷五十八下

漢中十女志、文姬、南鄭趙伯英妻、刊本妻訛葬、據漢書改。

列仙傳、初武帝好方士條、有枕中鴻寶秘密之書、言神仙使鬼物、及鄒衍重道延命之術、刊本鄒訛流、又向文爲武帝治淮南王獄、刊本向文訛何武、並據漢書改。

卷五十九上

桓譚新論、宓羲之制杵臼、刊本羲訛儀、今改。

卷五十九下

齊春秋、劉瓛字子圭、刊本脫子字、據南史增。

三輔決錄、飲馬條、項仲山、刊本項訛次、山訛仙、今改。

卷六十上

寰宇記、沈香浦、刊本訛作貪泉二字、據下文改。

風土記、卿乘車條、我步行、君乘馬、刊本行訛狂、今改。

卷六十下

扶南土俗、優鍬國條、城郭珍玩、刊本玩訛坑、今改。

南宋市肆記、諸市條、鮮魚行、注、候潮門外、刊本門訛內、今改。

卷六十一上

三秦記、隴坂條、遙望秦川、肝腸斷絕、刊本肝腸斷絕訛作心肝不絕、據古詩紀改。

長安志結鱗案鱗黃庭內經作璘

卷六十一下

番禺雜記、菖蒲澗條、嘗采菊澗側、刊本澗訛側、今改。

涼州記、涼州樂條、遠望姑臧城、車馬相交、刊本姑臧訛皇始、今改。

卷六十二上

雲南志略、楚威王遣莊躑略地巴黔條、子羅盛立、刊本盛訛晟、又取邛、戎、嵩三州、刊本戎訛成、嵩訛嵩。

並據舊唐書改。

卷六十二下

真臘風土記、宮室條、梁柱甚巨、刊本梁訛橋、又屋頗壯觀、刊本頗訛頭、今並改。

卷六十三上

吳地記、地名甄胃條、長諸樊、次餘祭、刊本脫次餘祭三字、今增。

北戶錄、魚種條、取鼈挫如棋、搗赤莧汁和令厚、刊本棋下衍地澤間經四字、據博物志刪。

卷六十四下

九華山錄、九月乙丑朔條、但把醺酣酬絕景、刊本醺訛曛、今改。

太嶽志、注、方升、案方升、明嘉靖時人、不應編入元人所纂書中、或係後人續入、附識。

卷六十五下

乾道奏事錄、乾道庚寅條、十里一百二十六步、刊本百訛步、又脫六字、並據水經注改增。
于役志、壬子、至于泗州、晚與國器小飲、刊本飲下衍州字、今刪。

卷六十六上

佛國記、法顯條、柱頭師子乃大鳴吼見證、刊本柱訛住、據上文改。

卷六十七上

豫章古今記、翹俊部、程曾字秀升、刊本字訛季、又遷海西令、刊本海西二字互倒、並據後漢書改。
雷次宗、字仲倫、案豫章古今記、即係雷次宗撰、不應列入己之姓名、或係後人所增、附識。
譙仲字文齊、刊本字文二字互倒、案萬姓統譜載譙仲字文齊、南昌人、和帝時仕至荊州刺史、今據改。
洛陽伽藍記、城南報德寺條、有梨如承光之柰、刊本脫承光之柰四字、據別本增。

卷六十七下

益部方物贊、燔麻條、案杜詩當作蕤、刊本蕤訛蕤、據杜詩改。

卷六十八上

六朝事迹、聽箏堂條、聲節慷慨、刊本節訛伊、據晉書桓伊傳改。

卷六十八下

終南十志。桃烟庭。案桃。全唐詩作枕。與此異。
雲錦淙條。水攢衝。石叢聳。煥雲錦兮噴涵湧。刊本衝訛聳。據全唐詩改。

卷六十九上

四民月令。臘酒條。十月上辛。刊本辛訛幸。據齊民要術改。

卷六十九下

歲華紀麗。正月條。脩祭典。注。命祀山林川澤。刊本山林川澤訛岳鎮海瀆。據禮記月令改。

三月條。江南草長。注。雜花生樹。刊本雜訛新。據文選改。

上巳條。垂乳桐。注。華林園馬射賦。刊本脫園字。據庾子山集增。

風條。辟臭腐。注。堯時廚中自生肉。其薄如篋。刊本肉下衍脯字。據宋書符瑞志刪。又揚塵。注。掘堞揚塵。

動。沙堞吹死灰。刊本脫揚字。又下堞字訛瀉。並據文選改。

十一月條。鷓旦不鳴。刊本且訛烏。據月令改。

臘條。祠黃石。注。取而葆祠之。刊本葆祠訛寶祀。據史記改。

卷七十下

女誠序。懼失容他門。取恥宗族。刊本門訛們。據後漢書改。

專心條。耳無淫聽。刊本淫訛塗。據後漢書改。

和叔妹條。進增父母之羞。刊本父訛夫。據後漢書改。

卷七十一

石林燕語。漢梁王立條。謂臨川王宏爲臨川殿下也。刊本下川字訛淵。又脫下字。今並改增。
清望官條。待制官候奏事官。盡然後趨出。刊本奏事訛進士。今改。
厚德錄。范文正公在睢陽條。見石曼卿問寄此久近。刊本近訛也。今改。

卷七十二

前定錄。鄭虔條。虔至東都。刊本都訛平。又其年東京平。刊本脫年字。並據太平廣記改增。
武殷條。既二年殷下第。刊本殷訛記。據太平廣記改。
袁孝叔條。轉蒲州臨晉縣令。刊本脫州臨二字。據太平廣記增。

卷七十三上

祛疑說。行持是正心誠意之學條。采英華於槁木。刊本英訛莢。據稗海改。
辨惑論。鬼神條。魄也者。鬼之盛也。合鬼與神。教之正也。刊本魄訛魂。又脫盛也。合鬼四字。並據禮記改增。
巫覡條。弟子趣之。凡投三弟子。刊本之訛永。凡訛久。據史記改。

卷七十四上

山家清供。傍林鮮條。文與可守洋川。刊本洋訛臨。據宋史改。又想見清貧饑太守。案想見蘇集作料得。

鳧苾粉。刊本苾訛紫據爾雅改。

進賢菜條。白華細莖蔓生。刊本細訛似蔓訛萼。並據陸璣草木疏改。
河樞粥條。魚乾曰蕘。刊本蕘訛苑。據禮記改。

卷七十四下

臨遊錄。過江諸人條。當共戮力王室。刊本力訛乃。據晉書改。

卷七十五上

攝生要錄。四時條。夏三月此謂蕃秀。刊本三訛四。蕃訛審。並據內經改。

卷七十六

水族加恩簿。錦袍氏條。宜授添府大監。案府格致鏡原作廚。

卷七十七上

小名錄。薛靈芸條。非夜來裁制。帝不服也。刊本裁制訛我。則據拾遺記改。
虎頭條。上語潘淑妃曰。刊本語訛以。又淑妃二字互倒。今並改。
僧說。刊本訛作僧悅。今改。

卷七十八上

織錦璇璣圖。三詩興感。遠殊浮沈。刊本浮訛字。今改。

北里志、天水僊哥條、願聽雲和琴一聲、刊本雲訛雷、據周禮改。

卷七十九上

文錄、古樂府命題條、須作妻止其夫之辭、刊本止訛正、據樂府解題改。

卷八十

韻語陽秋、孟郊詩條、何能辨榮辱、直欲分賢愚、案辱、昌黎集作粹、直作且、與此異。

潛溪詩眼、橄欖詩條、氣味森森苦且嚴、案氣、施注蘇詩作止。

本事詩、情感類、寧王憲貴盛、寵妓數十人、刊本憲訛曼、據唐書改。

事感類、種桃道士、今何在、前度劉郎、今獨來、案今何在、全唐詩作歸何處、獨作又、並與此異。

永豐坊裏東南角、案全唐詩作永豐西角、荒園裏、與此異。

高逸類、家在城南杜曲旁、兩枝仙桂一時芳、禪師都未知名姓、始覺空門意味長、案家在城南杜曲旁、全

唐詩作北闕南山是故鄉、禪師作休公、未作不、空作禪、意作氣、並與此異。

徵意類、門聽浙江潮、案聽、全唐詩作對。

卷八十一

西清詩話、鳳子條、鶯兒啞、嗟、梔黃芻、刊本嗟訛噠、梔訛雌、據韓偓集改。

卷八十二上

六一居士詩話。閩人有謝伯初條。野思到春如亂雲。刊本思訛詩。今改。

卷八十二下

許彥周詩話。張子野長短句條。眼力不如人。遠上溪橋去。刊本脫去字。又東坡送子由詩云。刊本脫送字。今並增。

作詩壓韻條。蚌胎光徹殼。刊本殼訛人。今改。

卷八十三上

珊瑚鈎詩話序。李太白之詩。務去陳言。刊本去訛其。今改。

予讀杜詩條。堂堂太宗業。案堂堂。全唐詩作煌煌。

退之大理評事王適墓誌條。乃躋門告曰。刊本躋訛蹟。據韓文考異改。

卷八十三下

石林詩話。魏晉賢人詩條。惟文選載其百一詩一篇。刊本脫上一字。今增。

卷八十四上

庚溪詩話。太宗皇帝條。礮溪頭問釣魚人。案頭。宋詩紀事作須。

光堯壽聖太上皇帝條。山光水石無盡時。都將挹向杯中醪。案都。宋詩紀事作長。

澄江朱正民條。則正民觀少陵詩不苟矣。刊本詩訛事。不訛亦。今並改。

紫微詩話、洪龜父條、小楷四行餘翰墨、主人一粒畫仙靈、案行、宋詩紀事作聲、畫作盡、與此異。
竹坡老人詩話、劉元素條、青眼相看吾可知、案相看吾、宋詩紀事作初垂已、與此異。

臨漢隱居詩話、古樂府條、夢裏曾驚學畫眉、案驚學、全唐詩作經與。

李固爲處士條、水南山人今又往、鞍馬僕從照閭里、案今又往、全唐詩作又繼往、照作塞、並與此異。

卷八十四下

娛書堂詩話、古學府條、服虔曰、刊本虔訛處、據漢書改。

詩詞話餘、詹天游條、楊鎮有十姬、皆絕色、刊本脫色字、今增。

卷八十五下

干祿字書、入聲擗摘音義、上探摘、竹革反、刊本脫摘字、今增。

卷八十六上

五十六種書法、小篆條、漢武帝得汾陰鼎、刊本陰訛陽、據漢書改。

卷八十六下

張長史十二意筆法、決爲牽掣、子知之乎、曰、豈不謂牽掣爲撇、刊本脫下牽字及爲撇二字、據書畫譜增。

卷八十七上

書譜、手貌乖舛、點畫溼訛、刊本脫手字、據書畫譜增。又如其骨力、偏多遒麗、案力、書畫譜作立。

卷八十七下

書品。郗超景興刊本景訛吳據晉書改。
後書品序。執燕石以爲寶。刊本石訛緹。據書畫譜改。

卷八十八上

書史。古帖條。天寶經安氏之亂。刊本天寶訛開元。據唐書改。

卷八十八下

歐公試筆。琴枕說條。白石照之無光。惟目昏者爲便。刊本闕目昏二字。據歐陽文忠全集補。
王濟譏張齊賢條。與王濟不相能。刊本相能二字互倒。今改。

卷八十九上

寶章待訪錄。唐虞世南枕臨帖條。奉書寧三帖。刊本脫奉字。今增。
歐陽詢碧牋。四帖草聖案。四書畫譜作二。又右在故相張公齊賢孫名直清字舜欽處。案舜書畫譜作汝。
並與此異。

卷九十

益州名畫錄。真容二十二處。刊本脫容字。據下文增。

卷九十一

畫論論黃徐體異條。孔雀龜鶴之類。刊本龜訛一。據圖書見聞志改。
紀藝雜畫門支選。刊本支訛反。今改。

卷九十二上

畫史杜甫詩條。甫老何汲汲于功名。案何書畫譜作儒。與此異。

高公繪條。豈肯浪逐苜蓿之坡。蓋常下視八方之駿。案苜蓿之坡。米帖天馬賦作金粟之堆。蓋常作故當。與此異。

卷九十二下

書品樓居仙閣條。跡弛不羈。刊本跡訛跡。據漢書改。

卷九十三上

晉中興書。陸納條。汝旣不能光益文叔。刊本文叔二字互倒。據晉書改。

卷九十三下

宣和北苑貢茶錄。自小龍團出。而龍團遂爲次矣。刊本脫上龍字。今增。

卷九十四上

酒譜。呂氏春秋條。火齊必得濂用六物。刊本必訛不。濂訛厲。據月令改。
元魏時。汝南王悅兄懌。刊本兄訛無。據魏書改。

卷九十五上

刀劍錄。章帝烜條。人浴輒沒不復出。刊本浴訛俗。據刀劍錄改。

卷九十六上

硯譜。端溪條。端溪有斧柯茶園將軍地。同是一溪。案地。米帖作山。與此異。

銅硯捧硯案銅三十六國春秋作錄。

歙州硯譜。濟源坑條。有水步石大雨點。案石格致鏡原作坑。又點下有石字。

歙硯說。水厥坦坑。案歙州硯譜作水厥坑。與此異。

溪頭坑。在金星坑之北五里。案五里。歙州硯譜作約二三里。與此異。

卷九十六下

雲林石譜。天地至精之器條。王右軍之好鷺。刊本右軍訛大令。又稽康之好鍛。刊本康訛籍。今並改。

研山條。元章仲容有詩。刊本容訛美。據宋史改。

卷九十七上

漢首印章圖譜。右將軍軍司馬注。左右前後將軍皆周秦官。漢因之。刊本漢訛滿。今改。

卷九十八

香譜。含香條。應邵漢官儀曰。刊本脫儀字。今增。

卷一百四上

周氏洛陽牡丹記。牛家黃條。眞宗祀汾陰還。刊本宗祀訛黃紅。據歐陽修牡丹記改。

卷一百四下

稽含南方草木狀。刺桐條。三月三時。布葉繁密。案三月三時。格致鏡原引此條作三月時。與此異。
杉條。合浦東二里有杉一樹。案二百里。交州記作百里。又術士廉盛曰。案廉盛。交州記作盛廉。並與此異。

卷一百六下

郭橐駝種樹書。案郭橐駝。格致鏡原引此作俞宗本。與此異。

卷一百七

汪若海麟書。南方有墨魚。刊本墨訛黑。據本草改。

卷一百八上

風后握奇經。八陣總述。治兵以信。求勝以奇。刊本勝訛聖。今改。

卷一百八下

桑欽水經。汶水條。又東北入於海。刊本海訛縣。據水經注改。

四庫全書考證卷五十七

子部

古今說海

鈍吟雜錄

海錄碎事

編珠

續編珠

龍筋鳳髓判

初學記

小名錄

蒙求集注

廣事類賦

古今說海 明陸深撰

卷一 北征錄

二月二十六日駐蹕興和。上祭所過名山大川。案上祭。明史本紀作遣祭。與此異。

卷二 北征記

戊戌次威遠州。刊本州訛川。據明史本紀改。

卷四 平夏錄

明玉珍邀劉楨至舟與議國事。拜爲理問官。案理問官。明玉珍傳作參謀。與此異。
尙大亨張文炳爲都察院。案都察院。明玉珍傳作知樞密院事。與此異。

卷五 江南別錄

元宗諱璟。烈祖長子也。初名景。案五代史南唐世家云。景初名通。又改名璟。宋史南唐世家云。李景本名景通。後改爲璟。並與此異。

常州有隋將陳杲仁祠。刊本杲仁二字互倒。據一統志及常州府志改。
後主諱煜。元宗第五子也。案五代史宋史五並作六。與此異。

卷六 三楚新錄

馬殷隨渠帥何氏南侵。案何氏五代史楚世家作孫儒。與此異。

丁思親以希範器度不廣。上書云云。希範覽而怒。削思親官。案覽而怒。五代史作希範謝之。與此異。

卷七

周行逢歸武陵。使人迎其妻潘。案潘五代史楚世家作嚴氏。與此異。

卷八

高季興陝州硤石人也。刊本陝訛峽。據五代史南平世家改。

周行逢薨。子保權立。張文表舉兵反。保權乞師。朝廷遣宣徽使李處耘領兵救之。案李處耘五代史作慕

容延釗。與此異。

卷十一 桂海虞衡志

佛子巖亦名鍾隱巖。案鍾一統志作中。與此異。

鈇鼓。猿人樂。狀如腰鼓。刊本缺樂字。據古今逸史本補。

椰子味美如牛乳。案糝合南方草木狀云。味似胡桃。與此異。

卷十二 眞臘風土記

國主出入。每日國主兩次坐衙治事。案文獻通考眞臘國攷云。其王三日一聽朝。與此異。

卷十三 北戶錄

橄欖子。其木主解鯁魚毒。刊本脫解字。據格致叢書本增。
指甲花。扶南傳曰。頓遜國有致酒花。刊本酒訛祭。據格致叢書本改。

卷十六 滇載記

其一曰蒙舍詔。其二曰浪施詔。其三曰鄧賧詔。其四曰施浪詔。其五曰摩夢詔。其六曰蒙雋詔。案唐書南蠻傳及文獻通考云。六詔曰蒙雋詔。越析詔。浪穹詔。澄賧詔。施浪詔。蒙舍詔。與此互異。

銀生部。日界蒙樂山爲南嶽。注在今者樂甸。刊本缺者字。據明史雲南土司列傳補。

十一代總管信苴段。明洪武十四年授以宣慰。明遣都使張元亨馳書潁川侯傅友德。案傅友德。明史大理傳。作藍玉。與此異。

卷十七 星槎勝覽

瓜哇國。古名閩婆。案元史瓜哇傳不載。考明洪武時。瓜哇閩婆並時入貢。其王之名不同。或本爲二國。其後爲瓜哇所并。然不可考。

卷十九

溜山洋國傳。聞又有三萬八千餘溜山。卽弱水三千之說也。案明史溜山傳云。或言外更有三千溜。與此互異。

卷二十

榜葛刺國卽西印度之地。案西明史榜葛刺傳作東。與此異。

卷二十二洛神傳

神女長嘆曰。眞蔡中郎之儔也。刊本中郎二字互倒。據唐人小說改。

卷二十三夢遊錄

亞之受命立爲歌辭。曰擊鼙舞。刊本鼙訛體。據沈亞之集改。

卷二十五崑崙奴傳

深谷鶯啼恨阮郎。刊本阮郎訛院香。據全唐詩及豔異編改。

卷二十七李章武傳

及至長安。與道友隴西李訪話。亦感其誠。案訪。全唐詩作助。與此異。

卷四十六唐暉手記

獨悲桃李節。不共一時開。案一時。全唐詩作夜泉。與此異。

卷四十七獨孤種傳

客淮南夜投大儀縣宿。刊本儀訛義。據唐人小說及全唐詩注改。又金閨久無主。羅袂坐生塵。刊本金

閨訛今聞。據全唐詩改。

卷五十崔燿傳

千歲荒臺墮路隅。一煩太守重椒塗。刊本煩訛章。據唐人小說及全唐詩改。

卷五十二 潤玉傳

小女郎謂沈警曰。蘭香姨。智瓊姊。亦常懷此恨矣。刊本蘭訛闌。據唐人小說改。

卷五十六 聶隱娘傳

父乃給衣食甚豐具。刊本父訛夫。據豔異編改。

卷五十八 曾季衡傳

五原分袂真胡越。鸞折鴛離芳草歇。刊本歇訛竭。據全唐詩改。

卷六十三 睦仁舊傳

得人道者萬有數十。如君縣內九品數十人。刊本縣訛獄。據唐人小說改。

卷七十 寶玉傳

進士王勝蓋夷。元和中同求薦于州。刊本同字訛在州上。據唐人小說改。

卷七十三 馬自然傳

發塚視棺。乃一竹杖而已。刊本杖訛枝。據唐人小說及全唐詩注改。

卷八十 山莊夜怪錄

大中年有寧茵秀才。刊本茵訛茵。據全唐詩改。

卷八十五 默記

太祖兵聚闕下。問諸村人云。有鎮州趙學究在村中教學。多智計。案宋史趙普傳。周顯德初。永興節度劉詞辟爲從事。薦普於朝。世宗用兵淮上。太祖拔滁州。宰相范質奏普爲軍事判官。與此互異。

卷八十九 墨客揮犀

太守五馬龐幾先朝奉云。古乘駟馬。漢時太守增一馬。刊本龐訛寵。據稗海本改。

卷九十一 聞見雜錄

李文靖端默寡言。堂下花檻傾圮。經月不言。刊本月訛歲言訛開。據宋史李沆傳改。

卷九十二 山房隨筆

劉改之賦雪云。功名有命平吳易。貧賤無交訪戴難。刊本缺命字。脫平吳訪戴四字。據稗海本補增。
湯西樓刺賈秋壑詩云。破屋春歸無主燕。壞池雨產在官蛙。刊本壞訛捷。據稗海本改。

卷九十三 諧史

趙師舜尙書尹臨安日。刊本舜訛宰。據宋史改。

卷九十五 三朝野史

有士人偷人室女。馬光祖判云。燭影搖紅。記取媒人是馬公。刊本記訛配。據宋稗類鈔改。

卷九十六 鐵圍山叢談

梁劉之遴好古愛奇。在荆楚聚古器數十百種。刊本缺劉字。據梁書補。

卷九十七 孔氏雜說

揚雄所稱李仲元者。出蜀秦宓傳。刊本必訛密。據三國志改。

卷一百 談載

謝希孟別娼詞云。將你從前于吾心。付與旁人可。刊本可訛呵。據宋稗類鈔改。

卷一百二 噴車志

舟人以其重扁棘闢。無他慮也。刊本他訛已。據稗海本改。

卷一百三 話腴

阮籍觀楚漢戰場。曰。時無英雄。使豎子成名。刊本豎訛稚。據晉書改。

卷一百五 古杭雜記

蜀人文及翁遊西湖詞云。更有誰礪溪未遇。刊本礪訛雞。據宋稗類鈔改。

卷一百六 蒙齋筆談

世言富鄭公得法大本。然公晚年於道亦不盡廢。刊本脫年字。據稗海本增。

卷一百七 文昌雜錄

唐制七品以上綠褶。九品以上碧褶。刊本脫綠褶九品以上六字。據雅雨堂本增。

梁沈約修竹彈甘蔗文云。渭川長兼淇園貞幹臣修竹。刊本脫渭川二字。據雅雨堂本增。

卷一百十錢氏私誌

歐文忠詞闌干倚遍。待得月華生。刊本脫得字。據歐集及詞綜增。

卷一百十四霏雪錄

皇甫冉酬張繼云。落日臨川問音信。刊本臨訛陰。川訛以。據全唐詩改。

卷一百十五東園友聞

宋太學生會稽唐珏案。鄭元祐遂昌雜錄作太學生東嘉林景曦事。後夢中詩亦同。冬青行二首互異。

卷一百十九青溪寇軌

宣和二年十月。睦州青溪縣塌村居人方臘託左道以惑衆。刊本塌訛竭。據泊宅編改。

卷一百二十五避暑漫抄

張巡開笛詩。營開邊月近。戰苦陣雲深。刊本邊訛星。據全唐詩改。

芳儀曲。秦淮潮水鍾山樹。塞北江南易懷土。刊本潮訛瀚。據宋詩紀事改。

卷一百二十九樂府雜錄

驅儼呼神名。腴胃食夢者。騰簡食不祥者。刊本腴胃訛沸。謂簡訛蘭。據月令廣義改。

卷一百三十二青樓集

賽天香。李魚頭之妻也。無錫倪元鎮亦甚愛之。刊本鎮訛縝。據常州府志改。

卷一百三十六 損齋備忘錄

六安侯王志。刊本志下衍原字。據明史刪。

廣陵茅大芳作詩。一時莫能尙。刊本芳訛方。據明史改。

卷一百三十八 靖難功臣錄

金忠官至兵部尙書。刊本缺兵字。據明史補。

卷一百三十九 備遺錄

方孝孺。太孫卽位。召爲翰林侍講學士。刊本講訛讀。據明史改。

鐵鉉佐大將軍歷城侯盛庸。總天下兵北伐。刊本庸訛鏞。據明史改。

程本立奏計京師。府尹向寶。學士董倫交章薦其文行。刊本寶訛瑤。據明史改。

鈍吟雜錄 常熟馮班撰

卷三

古詩法。漢魏條。恐爲輪扁所笑耳。刊本扁訛匾。據莊子改。

卷四

漢書儒林條。歐陽經二十二卷。刊本二訛三。據漢書藝文志改。

卷五

永明條。永明之代。王元長。沈休文。謝朓三公皆有盛名。刊本長訛常。據南齊書改。

海錄碎事 宋葉庭珪撰

卷一

日居上枝條。大荒之中湯谷有扶桑木。刊本湯訛暘。據山海經改。

觴客條。張嘖爲廚主觴客。刊本嘖訛味。據漢書天文志改。

卷二

如願條。錄異記云。有商人過清明湖。案清明。搜神記作青草。

仙艾靈絲條。仙艾垂門細。靈絲遶戶長。刊本細訛絲。據王珪華陽集改。

卷三上

斜堅孤圓條。傾壁忽斜堅。絕頂復孤圓。刊本復訛福。據文選改。

卷三下

纓上塵條。願以潺湲水。霑君纓上塵。刊本水訛洙。據文選改。

卷四上

雞漚塞案漚。後漢書作鹿。

卷四下

蝸牛廬條。魏志高士傳。焦先字孝然。作蝸牛廬。案蝸。三國志作瓜。
長缺巷條。巷內有馮煖宅。刊本煖訛設。據國策改。

卷五

冠切雲條。帶長缺之陸離。冠切雲之崔嵬。刊本二切字並訛青。據楚辭改。
薄笨車條。刊本笨訛莽。據宋書改。

卷六

蒼梧竹葉。刊本脫梧字。據唐類函增。

卷七上

優龍劣虎條。王氏門中優者如龍鳳。刊本脫鳳字。據南史增。
解圍條。晉王凝之妻謝道韞。刊本脫之字。據世說新語增。

得婿如龍條。後漢李膺。黃憲俱娶太尉桓焉女。刊本黃憲訛孫秀。據楚國先賢傳改。

卷七下

張靜婉條。羊侃舞人張靜婉。刊本羊訛楊。據南史改。
在下中條。李廣與從弟李蔡俱爲郎。刊本李蔡訛蔡義。據漢書改。
千畝竹條。齊魯千畝桑麻。刊本脫麻字。據史記增。

卷八上

貌寢條。表以粲貌寢而體弱通悅不甚重也。刊本倪訛悅。據三國志改。
蠟鳳條。僧綽獨正坐採燭蠟爲鳳。刊本綽訛虔。據南史改。

卷八下

一流人條。劉尹道桓溫鬢如灰蠟反。眼如紫石稜。案鬢如灰蠟反。晉書作鬚作蠟毛磔。
傾筐倒篋條。王右軍郝夫人。刊本郝訛郝。據世說新語改。

卷九上

素髮垂領條。班鬢彭以承弁。素髮颯以垂領。刊本彭訛彪。據文選改。
時菴向陽條。蕤荷依陰。刊本蕤訛蕤。據文選改。

卷九下

羊公鶴條。殷中軍稱劉爽之于庾公。刊本軍訛牟。據世說新語改。

卷十下

金蓮條。東昏鑿金爲蓮花帖地。潘妃行其上。刊本潘訛徐。訛南史改。

屬爲諸父條。武帝方好藝文。以安屬爲諸父。辯博善爲文辭。刊本辯訛卞。據漢書改。

卷十一上

功論郎條。魏尙書有考功定課二曹。刊本課訛謂。據文獻通考改。

卷十二

羅利政條。庫狄士文爲貝州刺史。刊本庫狄二字互倒。據隋書改。

卷十四

五絲條。旣感羣后之讜辭。又悉五絲之碩慮。注。班固典引。刊本班固典引訛作司馬相如封禪文。據文選改。

馬寫條。茱萸一名馬寫。案寫。爾雅作舄。

卷十五

玫瑰條。玫瑰。火齊珠也。刊本脫火字。據漢書注增。

幼錢壯錢條。七分三銖曰么錢。刊本么訛六。據漢書改。

卷十六

武聲條。其武聲則若雷霆。轆轤伏豫以沸渭。刊本轆訛嘗。據王褒洞簫賦改。

卷十八

五物條。三月主皮。刊本闕主皮二字。據周禮補。

卷十九

小鍾條。唐鍾紹京。絲十三代孫。刊本脫京字。據唐書增。

卷二十

喋血條。今已誅諸呂。新喋血京師。注。文帝紀。刊本文帝紀訛韓信傳。據史記改。

刁斗條。夜擊持行。名曰刁斗。刊本行上衍夜字。據史記注刪。

卷二十一

奏當條。奏當之成。雖臯陶聽之。以爲死有餘辜。注。路溫舒傳。刊本路溫舒訛作枚臯二字。據前漢書改。

神祖條。共工之子曰修。好遠遊。刊本脫子字。據風俗通增。

卷二十二上

李耳條。虎食物。值耳而止。刊本耳訛尾。據方言改。

庶魚條。鯢鯁生建邪。建邪生庶魚。刊本鯢鯁訛度魚。又下建邪三字訛庶魚。並據酉陽雜俎改。

卷二十二下

地血條。茜草可染絳。刊本茜訛舊。據本草改。

栴檀條上林賦注曰。櫨也。其皮可爲索。刊本索下衍香并二字。據文選注刪。

編珠 隋杜公瞻撰

卷二

九重蓋注。靈帝時講武平樂觀。建十重五彩華蓋。刊本重訛里。據續漢書改。

卷三

堯蕙注。堯時蕙脯生於廚中。刊本脯訛蒲。據論衡改。

卷四

天門蔥條。若請神而求。即不拔自出。刊本請訛精。據春秋元命苞改。

續編珠 國朝高士奇撰

卷一

七業注。一門之內。七業俱成。刊本一訛二。據晉書改。

卷二

桃奴注。桃終冬不落者爲桃梟。刊本桃梟二字互倒。據本草改。

龍筋鳳髓判 唐張鷟撰 明劉允鵬注

卷一

御史嚴宣判。參榮半刺。注。漢設別駕。至唐高宗乃改別駕爲長史。刊本脫高字。據唐書增。

卷三

監修國史劉濟狀稱修史學士李吉甫多行虛飾判。無良史之才。注。劉向揚雄皆稱司馬。遷有良史之才。刊本下史字訛。士據漢書改。

卷四

會期日酒酸判。索郎清德橫被侵誣。注。桑落河出好酒。世人說訛爲索郎。故有索郎杯。刊本杯訛。枉據水經注改。

初學記 唐徐堅撰

卷一 天部

天類五星。注。中央鎮。案鎮。史記天官書。漢書天文志皆作填。

雲類扶日。注。黃帝起黃雲扶日。案此句下文獻通考尙有白帝起白雲扶日七字。此脫。

卷五 地部

衡山類。上承冥宿。銓德鈞物。案趙殿成注。王右丞集作上承翼軫。鈐總萬物。與此異。
終南山類。有岷有堂。案岷。毛詩作紀。
石類。孤石詩。注。獨高成不羣。案淵鑑類函作獨立不成羣。

卷六

海類。晉庾闡海賦。刊本庾闡訛。梁文帝。據賦彙及淵鑑類函改。
濟類。又北東入于海。刊本北東二字互倒。據尚書改。

卷七

關類。青牛注。授喜道德經五千言。刊本脫言字。今增。

卷八 川郡部

關道內東井與鬼。刊本與訛與。據漢書改。

卷九 帝王部

總敘帝王。周帝王世紀注。貞定王二十七。元王二十八。案七。淵鑑類函作八。八作七。

卷十 中宮部 儲宮部 帝戚部

皇太子類。青宮注。東方東明山有宮。青石爲牆。案東方朔神異經。只云東方有宮。云云。東明山另爲一條。

刊本牽合於此誤。

卷十一 職官部

太尉司徒司空類飛鵠印注有鳥如鵠案如字下博物志有山字又鵠下尚有市人擲之四字刊本並脫尚書令類晉摯虞尚書令箴刊本摯虞訛張華據百三家集及淵鑑類函改

侍郎郎中員外郎類哀鳥位注郎見左右丞對揖無敬稱曰左右君丞郎見尚書執版對揖刊本脫無敬二字又左右君丞訛左君右君又脫執版二字並據後漢書百官志注增改又案執版下通典無對字中書侍郎類軌制注孔演字元舒案演晉書儒林傳作衍又元舒作舒化並與此異

卷十二

黃門侍郎類畫成圖注任嘏別傳刊本任訛王據魏志王昶傳注改

太常卿類崔駰太常箴案崔駰百三家集及淵鑑類函傳作揚雄與此異

卷十三 禮部

封禪類射牛注天子至梁父刊本至訛下又乙卯刊本乙訛巳並據史記改

卷十四

饗燕類應詔詩注願上登封書案登南史及陳後主集並作東又登封書別本作萬年書

卷十五 樂部

雜樂類。觀妓詩。注。捉盃特笑語。案捉。梁武帝集作提。特作時。

卷十六

琴類。楊希道。案希。全唐詩作師。

卷十七 八部

聖類。總敘。天下無二道。聖人者天下利器也。案二道下。孫卿子尙有聖人無兩心。神人無功。聖人無名。十三字。此脫。

友悌類。管陸雲答兄士衡詩。注。銜思戀行邁。刊本銜訛御。據陸清河集改。又案思。一本作恩。

卷十八

離別類。梁張纘離別賦。注。抱荃蕙之遺芳。共離披於霜露。刊本抱上衍共字。又共訛不。並據淵鑑類函刪改。

卷二十 政理部

獄類。北寺注。將理之帝。刊本將訛特。據淵鑑類函改。

卷二十三 道釋部

寺類。明慶寺詩。注。澗戶聽涼蟬。刊本聽訛惠。據江總集改。

卷二十五 器用部

牀第類。總敍南楚之間謂之趙。刊本脫間謂之三字。據揚子方言增。
舟類。總敍釋名曰舟言周流也。刊本釋名訛說文。今改。
車類。總敍重轂兩轄。刊本重訛黑。據宋書改。

卷二十七 寶器部

珠類。總敍魏略曰夫餘出珠。刊本脫魏略曰三字。據淵鑑類函增。

卷二十八 果木部

棗類。北園垂陰。注北園有一樹。刊本樹訛棗。據趙整咏棗詩改。
柳類。魏文帝柳賦。注信永貞而可羨。刊本羨訛美。據魏文帝集改。

卷二十九 獸部

馬類。總敍的額。案的字林作駟。

卷三十 鳥部

鸚鵡類。總敍交州巴南盡有之。及五色出杜薄州。案及五色出杜薄州。趙殿成王右丞集箋注引異物志。
無此七字。

蟬類。魏曹植蟬賦。伴夷節兮。刊本節訛惠。據賦彙改。

小名錄 唐陸龜蒙撰

卷上

漢武帝條。尊太后母臧兒爲平原君。刊內臧訛戍。據史記索隱改。

成帝名鰲。刊本鰲訛鰲。據漢書改。

建始三年。刊本建訛元。據漢書改。

蜀劉封條。內貪專擅之實。刊本缺專字。又擅訛禮。並據魏志補改。

晉愍懷太子。刊本脫懷字。又聘王衍小女。刊本聘訛傳。並據晉書增改。

齊獻王攸字大猷。刊本脫大字。據晉書增。

謝胡兒語庾道季。注。庾蘇小字也。刊本缺蘇字。據晉書補。

桓沖條。言不欲爲質。幸爲養買德郎。刊本脫不字。又德訛得。並據晉書增改。

桓元條。王不能冷飲。刊本不訛大。又脫冷字。並據世說改增。

褚爽條。義興太守。刊本義訛始。據晉書改。

范啓與嘉賓書條。詣郗門拜云。刊本門訛問。脫拜字。又人以汝家比武侯。復何所言。刊本脫復何所言。

四字。並據世說新語改增。

卷下

宋孝武帝駿字休龍。刊本脫武字。今增。

蔡廓條。興宗爲之字。刊本脫宗字。據宋書增。

陶潛條。不識六與七。通子垂九齡。但覓梨與粟。刊本六九二字互訛。又梨訛棗。並據淵明集改。

齊長沙咸王晃字宣明。刊本字訛子。據南齊書改。

武陵昭王條。嘗幸豫章王嶷東田宴諸王。刊本諸下衍長字。據南齊書刪。

劉懃條。晉丹陽尹惓六世孫。刊本惓訛恢。又母孔氏。刊本脫母字。又謚貞簡先生。刊本貞簡訛真蘭。

並據南齊書增改。

廬陵王條。世祖第三子。刊本世訛大。據南齊書改。

袁彖條。乃能徒步。刊本徒步二字訛履字。據袁彖傳改。

陳周文育條。本姓項。刊本項訛頓。又能反覆游水中數里。刊本反覆游訛游反覆。又脫水中二字。並據

南史改增。

蒙求集注 李瀚撰 宋徐子光注

卷上

胡廣補闕注。雖無審直之風。屢有補闕之益。原本脫直字。據後漢書增。

和嶠專車注。礫硠多節目。原本礫硠訛累訶。據晉書改。

秦宓論天注。廣漢縣竹人。原本漢訛陵。據蜀志改。

魯恭馴雉注。魯恭字仲康。原本康訛庭。據後漢書改。

逸少傾寫注。二弟謂愔與曇也。原本曇下衍首字。據晉書刪。

范蠡泛湖注。舟乘泛湖以行。案泛湖。史記越世家作浮海。貨殖傳作浮于江湖。均與此異。

卷下

王貢彈冠注。瑯琊臯虞人。原本臯訛高。據漢書改。

壺公謫天注。汝南費長房爲市掾。原本掾訛干。據後漢書改。

祖約好財注。祖約字士少。原本脫士字。據晉書增。

鍾離委珠注。時交趾太守張恢坐賊千金。伏法。原本恢訛揆。據後漢書改。

孔愉放龜注。時人號曰會稽三康。原本三字訛在曰字下。據晉書改。

雍伯種玉注。公汲水作義漿于坂頭。原本脫水字。據搜神記增。

釋之結韞注。顧謂釋之爲我結韞。原本顧訛韞。據漢書改。

廣事類賦 涇縣教諭華希閔撰

卷一天部

虹霓類。時而若鳥。注。是歲如有虹氣蒼黃若飛鳥。集于棧陽宮南。刊本歲如訛山夕。南訛上。並據漢書改。
河漢類。靜夜涼風。注。曉鏡高秋夜。微明欲曙河。刊本河訛秋。據全唐詩改。
皇象類。北斗七宿。注。又爲帝車。刊本車訛居。據史記改。

卷二歲時部

元旦類。柏葉椒花。注。青陽散暉。澄景載煥。刊本散訛載。據晉書改。
且呼如願婢。注。有商人歐明過彭澤湖。湖神邀歸。問所須。刊本歐訛甌。又彭澤訛青草。並據搜神記及歲時記改。

卷三

七夕類。天上之赤龍。方去。注。陶安公時諺曰。安公安公。治與天通。刊本陶訛桃。又脫治字。並據列仙傳改。
增。

中秋類。綵幄幔亭。注。施紅雲紫霞褥。刊本褥訛襍。據淵鑑類函改。
重陽類。集鳳嶺而徘徊。注。襄陽記。宋武王駿爲刺史。改馬鞍山爲望楚山。後遂龍飛。人號爲鳳嶺。卽劉宏

山簡九日宴賞之所。刊本脫此一條。據重訂廣事類賦增。

卷四 帝王部

帝王類。漢帝則草亦名章。注。漢章帝好杜操草書。因名章草。刊本操訛廣。據書苑改。

望氣知卿雲之蓋。注。魏文帝生有雲氣。青色如車蓋。覆其上。終日望氣者以爲大貴之證。刊本脫覆字大

字。據合璧事類增。

卷五 職官部

宰相類。撤鈴鼓而不庸。食堂封而無愧。刊本撤訛設。又而不庸訛以開言。並據重訂廣事類賦改。

吏部尙書類。江黦則此職三爲。山簡則拔人一字。刊本山簡訛蔡克。案晉書有山子一字。拔人句。今據改。

卷六

侍郎以下類。盧元輔門風克繼。柳公綽本職增修。刊本綽訛權。案唐書。公權未嘗爲工部侍郎。據白居易

授柳公綽制改。

工部尙書類。于休烈不治業而樂推賢。李大亮不能言而內剛烈。刊本亮訛義。據唐書改。

卷七

宗人府類。惟忠且慎。注。劉向字子政。以忠直爲宗正。刊本忠直訛至忠。又宗正訛忠室。並據漢書改。

卷八

按察司類。畫函英箒。注。杜子春云。以函氣盛此節。故曰英箒畫函。刊本春訛美。盛訛乘。並據周禮注疏改。

提學類。青牛文梓。注。白鹿貞松。刊本貞訛赤。據庾開府集改。

卷九

縣令類。遇盤根而益利。注。志不求易。事不避難。刊本避訛求。據漢書改。

卷十 禮樂部

門生類。班分玉筍之香。注。唐冲。薛庠。袁郁輩時爲玉筍班。刊本冲訛伸。據唐書改。

卷十一 政治部

耕籍類。試誦張衡之賦。注。乘鸞輅而駕蒼龍。介馭間以剡耜。刊本剡下衍未字。據文選刪。

卷十三 文學部

茶法類。七品方許食茶。注。金世宗大定間。更定香茶罪賞格。刊本格格訛稽。據續文獻通考改。

卷十六 戚族部

書法類。李斯程邈之徒。注。覃思十年。益大小篆方圓而得隸書三千字。刊本脫大字。據張懷瓘書斷增。

卷十七

春蚓秋蛇之致。注。伯英學書之妙。師宜懸帳之奇。刊本師宜二字互倒。懸訛垂。並據首書改。

祖孫類。亦有耳孫。注。弟孫之子爲仍孫。刊本爲下衍字。據爾雅及漢書刪。

雜親類。阮千里之彈琴。注。讀書不甚研求。而默識其要。刊本脫求字。據晉書增。

卷十九 閨閣部

才女類。曹昭能續史。注。詔昭就東觀藏書閣。踵而成之。刊本脫觀字。又而訛觀。並據列女傳增改。

卷二十

婚姻類。牽羊成禮。注。以烏羊繫所乘車轅。刊本繫訛爲。據南史改。

卷二十二 人品部

隱逸類。訪名山于句曲。注。齊永明中。陶宏景脫朝服掛神武門。刊本齊訛漢。據南史改。

卷二十三

容貌類。李沆端凝。注。宋史。刊本訛唐書。今改。

卷二十四 人事部

遊覽類。不若肆情于遊覽。注。登山泛水。肆意酣歌。刊本泛訛放。據南史改。

卷二十五

年齒類。羨六老之成圖。注。丞相史魏公浩字直翁。刊本字直訛自真。據宋史改。

海上仙翁。注。李守忠承旨。刊本忠訛爲。又道逢一人。自稱楊遐舉。刊本遐舉訛湯避。又其父叔連年

一百二十餘。刊本連訛皆一訛二。又其祖宋卿年一百九十五。刊本一訛九。又脫九十二字。並據太

平廣記改增。

卷二十六 音樂部

笙竽類。檀板紅牙。注。晉魏之代。有宋織。善擊節。刊本織訛識。據淵鑑類函改。

卷二十七 服飾部

枕類。漫賦瓌材。注。張華有瓌材賦。刊本華訛紘。據賦彙改。

卷二十八 器用部

燈類。鳳腦和龍膏而婉轉。注。又有鳳腦之燈。水荷花蓋其上。刊本又訛行。花訛以。並據拾遺記改。

香類。渺渺返魂之術。注。西海聚窟州。刊本聚訛裂。據十洲記改。

卷二十九 花部

杏類。董奉林中。注。作一草倉。每一器杏換穀一器。刊本草倉訛簞食。又下器字訛斛。並據神仙傳改。

卷三十

芍藥類。翻階兮若媚。元暉。注。蒼苔依砌上。刊本蒼苔訛石華。據文選改。

卷三十三 果部

荔枝類。紫綃爲膜。注。紅紗中單。白玉膚。刊本中單訛丹衣。據東坡集改。

卷三十八 走獸部

